

五代史記注

五代史記卷第十上

廬陵歐陽脩撰

徐無黨原注

南昌彭元瑞注

劉鳳誥排次

漢本紀第十

高祖睿文聖武昭肅孝皇帝姓劉氏初名知遠其先沙

陀部人也其後世居于太原五代史高祖睿文聖武昭肅孝皇帝姓劉氏諱昺本

名知遠及卽位改今諱其先本沙陀部人也四代祖諱

肅帝有天下追尊爲明元皇帝廟號文祖陵曰懿陵高

祖母隴西李氏追諡明貞皇后會祖諱昺晉贈太保追

尊爲恭僖皇帝廟號德祖陵曰沛陵會祖母魏國太夫

人楊氏追諡恭惠皇后祖諱僖晉贈太傅追尊爲昭獻

皇帝廟號翼祖陵曰威陵祖母魯國太夫人李氏追諡

爲昭穆皇后皇考諱璵事後唐武皇帝爲列校晉贈太

師追尊爲章聖皇帝帝廟號顯祖陵曰肅陵皇妣吳國太

夫人安氏追諡章懿皇后后以唐乾寧二年歲在乙卯

二月四日生帝于太原五代會要漢高祖睿文聖武

昭肅孝皇帝姓劉氏諱暉追冊章聖皇帝長子母追冊

章懿皇后安氏唐乾寧二年二月四日生於太原以其

日爲聖知遠弱不好弄嚴重寡言面紫目多白睛凜如

壽節也五代史帝弱不好弄嚴重寡言及長面紫色日睛多白與晉高祖俱事明宗爲

偏將明宗及梁人戰德勝晉高祖馬甲斷梁兵幾及知

遠以所乘馬授之復取高祖馬殿而還高祖德之高祖

畱守北京以知遠爲押衙五代史初事唐明宗列于麾

時晉高祖爲梁人所襲馬甲連革斷帝輟騎以授之取

斷革者自跨之徐殿其後晉高祖感而壯之明宗踐阼

晉高祖爲北京畱守以帝前有護潞王從珂反愍帝出

援之力奏移麾下署爲牙門都校

奔高祖自鎮州朝京師遇愍帝于衛州止傳舍知遠遣

勇士石敢袖鐵槌侍高祖以虞變高祖與愍帝議事未

決左右欲兵之知遠擁高祖入室敢與左右格鬪而死

知遠卽率兵盡殺愍帝左右畱帝傳舍而去五代史應

祖鎮常山唐明宗召赴闕會閔帝出奔與晉高祖相遇

于途遂俱入衛州泊于郵舍閔帝左右謀害晉高祖帝

密遣御士石敢袖鎗立于晉高祖後及有變敢擁晉高

祖入一室以巨木塞門敢尋死焉帝率衆盡殺閔帝左

右遂免晉高祖于難通鑑攷異漢高祖實錄云是夜

偵知少帝伏甲欲與從臣謀害晉高祖詐屏人對語方

坐庭廡帝密遣御士石敢袖鎗立于後俄頃伏甲者起

敢有勇力擁晉高祖入一室以巨木塞門敢力當其鋒

死之帝解佩刀遇夜晦以在地葦炬未燃者奮擊之衆

謂短兵也遂散走帝乃匿身長垣下聞帝親將李洪信

謂人曰石太尉死矣帝隔垣呼洪信曰太尉無恙乃踰

垣出就洪信兵共護晉高祖殺建謀者以少主授王宏

贊廢帝入立高祖復鎮河東已而有隙高祖將舉兵知

遠與桑維翰密爲高祖謀畫贊成之高祖卽位于太原以知遠爲侍衛親軍都虞候領保義軍節度使契丹耶律德光送高祖至潞州臨決指知遠曰此都軍甚操刺

原注世俗謂勇猛無大故勿弃之

五代史清泰元年晉高祖復鎮河東三年

夏移鎮汝陽帝勸晉高祖舉義贊成密計經綸之始中外賴之晉高祖以帝爲北京馬步軍都指揮使及契丹以全軍赴難大破張敬達之衆于晉陽城下有降軍千餘人晉高祖將置之于死衛帝盡殺之晉國初建加檢校司空充侍衛馬步都指揮使權點檢隨駕六軍諸衛事尋改陝州節度使充侍衛親軍馬步都虞候契丹主送晉高祖至上黨指帝謂高祖曰此都軍甚操刺無大故不可棄之晉高祖入洛委帝巡警都邑肅然無敢北

令天福二年遷侍衛馬步軍都指揮使領忠武軍節度使已而以杜重威代知遠領忠武徙知遠領歸德知遠

恥與重威同制杜門不出

通鑑知遠自以有佐命功重威起于外戚恥與之同制制

下數日杜門

高祖怒欲罷其兵職宰相趙瑩以爲不可

高祖乃遣端明殿學士和凝就第宣諭知遠乃受命

五代

史天福二年夏四月加檢校太保八月改許州節度使

典軍如故三年夏四月加檢校太傅冬十月授侍衛親

軍馬步軍都指揮使十一月移授宋州加檢校太尉十

二月加同平章事時帝與杜重威同制加恩帝憤然不

樂懇讓不受杜門不出者數日晉高祖怒召宰相趙瑩

等議落帝兵權任歸私第瑩等以爲不可乃遣端明殿

學士和凝就第五年徙鄴都畱守九月朝京師高祖幸

宣諭帝乃承命

其第五代史五年三月改鄴都畱守兼侍衛親軍馬

其第

步軍都指揮使九月奉詔赴闕晉高祖幸其第六

年拜河東節度使北京畱守

五代史六年七月授北京畱守河東節度使五代

會要晉天福六年七年高祖崩知遠從高祖起太原有

七月授北京畱守

佐命功自出帝立與契丹絕盟用兵北方常疑知遠勲位已高幸晉多故而有異志每優尊之拜中書令封太

原王幽州道行營招討使又拜北面行營都統五代史七年正

月加侍中時天下大蝗惟不入河東界六月晉高祖崩

于鄴宮少帝卽位加帝檢校太師八年三月進位中書

令開運元年正月契丹南下契丹主以大軍直抵瀘州

遣蕃將偉王率兵入鴈門朝廷以帝爲幽州道行營招

討使帝大破偉王于忻口尋奉詔起兵至土門軍至樂

平會契丹退乃還三月封太原王七月兼北面行營都

統冊府元龜漢高祖晉天福八年鎮太原奏以太原

往例每年差人押送葡萄往北朝今年伏候敕旨晉少

帝有詔罷之高祖曰此土產常物開運二年四月封北

廢而不行必啟戎心以生怨也

平王五代史二年四月封北平王五代會要開運二

年四月封北平王重脩蒙山開化珪嚴閣記觀

察判官將仕郎檢校尙書戶部郎中兼侍御史賜紫金

魚袋蘇禹珪奉命撰觀察支使朝請郎試大理司直兼

殿中侍御史蘇曉奉命書兼篆額太原故郡大夏名封
郊野列於參墟山川開於晉國俗通馬首坐管羊腸稱
號神京實聖樂土皇朝鳳舉三百年之遺跡尙在聖祖
龍飛一千載之耿光斯應士馬雄盛井邑駢羅語之八
都并爲最也而又俗敦釋教重二乘方便之門人貴善
根導五濁昏迷之性金繩寶樹雁塔蜂臺大有嵯嚴鉢
光像法據傳記開化寺北齊文宣帝天保末年鑿石通
蹊依山刻像式揚震德用鎮乾方成招提之勝因作釋
迦之真相人皆迴向時奏福田齊後主然油萬盆光照
宮內仁壽元年隋朝造大閣而庇尊像焉仍改爲淨明
寺洎唐高祖在藩邸時至此寺瞻禮圓夜夢化佛滿空
毫光數丈登極之後復爲開化寺後顯慶二年高宗駕
至出左右行藏資緒珪玉崇嚴飾之後會昌甲子歲敕
廢大閣露尊像雨滴風摧僅六十載化隨消長道有污
隆明矣乾寧二年武皇虎踞井州龍潛晉水逆奉擎天
之業克安在鎬之君一境煙靜塵消不脩千里民
蘇俗阜正樂豐穰或乃治兵開脩講武上西山而指顧
樊北禮於慈悲痛望真身而受霜露迺下令遣紂徒管
內講化計口隨年錢收數百千萬緡更有自施信財者
不可勝計復造大閣焉時也擇班輪之物已豐多斷

徂徠之松材 藏足既當農隙 乃興工役者荷鍤
如雲刻木者運斤震地工無舍夜人不知勞自乙卯至
己未首尾五年蓋成大閣兼粧佛像厥功三十萬所
聚財盡矣莫不獸簇千楹星攢萬拱樓題聖黑階嶙
峴薨宇齊平可不觀於崗險 擱偃潤宜上摘於星辰
仰之彌高觀乎尤麗萬人瞻仰 樹福於茲至今五十載
矣莫禁二鼠日月般而年代移 從四蛇高閣際而聖
儀毀非國王大臣力共可再修乎 遇北平王鎮臨之五
年也疆境父安人民豐足衣錦而彰七德玉帳論兵出
籌而蘊六奇金臺禮士穉猶不舉烽燧皆停暇日遊西
山至開化寺焚香見閣宇傾欹佛像崩缺乃言曰縱有
僧洒掃供養豈令人喜瞻禮乎遂舍俸錢重脩薦之爰
求郢匠俾聚朽材功用具克役工畢至是薦大閣五層
一百三十間并添換瓦木文彩賁飾及閣內尊像公寺
功德護法善神塗金彩畫大小咸具無不畢備兼創造
斗帳四間閣上二十四牕竹網特蓋行牆五間并諸殿
宇一新其舊及置閣上麻網一十五扇蓋將已作不撓
民財况日給於米鹽更時頒於賞勞百工無怠衆役惟
勤踰時而畢重新鹿苑載耀雞園視高閣於凌雲悉施
藻績變睟顏於淨域別顯相儀浮柱霞棲側 而生玉

葉飛梁虹指岫嶺而在金田美哉輪焉煥乎盛矣四人
依仰二衆焚脩實資奉福之因允叶募緣之果王眎其
功畢大會沙門慶讚而雷殷梵音供養而雲籠香焰成
茲勝槩乃樹貞珉撰記仁祠覲顏主擇禹珪謬塵郝桂
獲厠庚蓬隨簪玳以履珠忽承明命則援毫而條硯須
抒謏聞非敢虛辭止書實錄庶貽後代以紀芳猷大晉
開運二年七月十三日記興邦佐命力保定功臣北
京留守河東節度管內觀察處置等使北面行營都統
開府儀同三司檢校太師兼中書令行太原尹上柱國
北平王食邑一萬三千戶食實封二千二百戶劉知遠
立三年五月加守太尉然王未嘗出兵契丹寇澶州別
遣偉王攻鴈門王敗之于秀容八月殺吐渾白承福等
族取其貲鉅萬良馬數千

五代史三年五月加守太尉是月帝誅吐渾白承福等五

族凡四百人以別部王義宗統其餘衆九月契丹犯塞
帝親率牙兵至朔州南陽武谷大破之十一月契丹主
率蕃漢大軍由易定抵鎮州杜重威等駐軍于中渡橋
以禦之十二月十日杜重威等以全軍降于契丹十七

日相州節度使張彥澤受契丹命陷京城遷少帝于開
封府帝聞之大駭分兵守境以備寇患冊府元龜又
十一年八月朝廷以前遣李守貞皇甫遇張彥澤再援
糧入易定彥澤與契丹騎衆相逢逐行四十里獲酋領
諸里相公首級帝有表入賀因謂寮佐曰兵者凶器戰
者危事朝勝夕負何常有賀因謂寮佐曰兵者凶器戰
置屯田課民種植俟秋早獲清野以待何須多脩兵幕
招寇引敵馳鬪是戎人所長堅守乃爲我之利伺隙待
變平之非晚今半歲之中命將兩出翻爲虜騎所誘自
取其困何謀之不審耶吾恐得其小捷而有後歟諸君
其志之又天福十一年十一月朝廷遣杜威與諸將
攻瀛鄭二州以詔諭帝謂幕客及左右曰主上富有
春秋左右乏正人重威以國親方擯兵柄輕爲表請有
此無名之役契丹自陽城不利蓄謀俟便踰一期矣今
國家邊上深溝高壘守猶不足得有侵越乎且瀛鄭獲
之無以保殘之是爲寇立敵招怨在此行也朝廷以我
先帝舊臣特都統虛名而已會不以大事利害一相
謀之社稷至重良有憂也始少帝八年澶淵爲契丹
所迫命帝爲北面招討使第一詔會兵鎮州第二詔會
兵邢臺時以鴈門有虜黨南下張旂牽之勢故帝親率

兵拒焉由是兩路將行皆後期不能赴朝以爲持疑逗留稽勤王之意少帝會謂近侍曰太原全不爲朕必貯異志有處分便可速爲之識者以爲言之非祥故後雖有委託之命而無臨制之權帝亦知少帝不爲我用常鎮靜自守無復敢進一言以箴朝廷之闕十一月杜重威入瀛州界下東城而西以契丹大至故也十二月十日重威以王師降契丹真定東垣渡耶律氏率雜虜漢軍而南先遣我降將張彥澤以二千騎馳渡白馬津入汴據之帝聞而大駭分四年契丹犯京師出帝北遷王兵守境以脩侵軼之患遣牙將王峻奉表契丹耶律德光呼之爲兒賜以木柶一木柶虜法貴之如中國几杖非優大臣不可得峻持柶歸虜人望之皆辟道峻還爲王言契丹必不能有中國乃議建國

五代史天福十二年春正月丁亥朔契丹主入東京癸巳晉少帝蒙塵于封禪寺癸

卯少帝北遷

玉壺清話陶穀本姓唐避晉祖諱易之時僞晉勢方熾謂所親曰五星數夜連珠於西南有真

主己在漢地觀虜帳騰蛇氣纏之虜主必不歸國未幾德光薨於漢又李東起芒侵於北穀曰彼中非久自相吞噬安能亂

華後皆盡然二月戊辰河東行軍司馬張彥威等上牋勸進辛未皇帝卽位稱天福十二年

原注天福晉高祖年號也天福止八年

年改元開運至此四年矣漢雖建國而未有國號又稱晉年號捨開運而追續天福爲十二年初無義理但書

其實耳五代史二月丁巳朔契丹主具漢法服御崇元殿受朝制改晉國爲大遼國大赦天下號會同十年

是月帝遣牙將王峻奉表于契丹契丹主賜詔褒美呼帝爲兒又賜木柅一蕃法貴重大臣方得此賜亦猶漢

儀賜几杖之比也王峻持柅而歸契丹望之皆避路及峻至太原帝知契丹政亂乃議建號焉是月秦州節度

使何建以其地入于蜀戊辰河東行軍司馬張彥威與文武將吏等以中原無主帝威望日隆羣情所屬上牋

勸進帝謙讓不允自是羣官三上牋諸軍將吏緇黃耆耄相次迫請教答允之庚午陝府屯駐奉國指揮使趙

暉侯章都頭王晏殺契丹監軍及副使劉愿暉自稱留後契丹因授暉陝州兵馬留後侯章爲本州馬步軍都

指揮使王晏爲副都指揮使暉等不受僞命辛未帝于
大原宮受冊卽皇帝位制改晉開運四年爲天福十二
年五代會要四年二月十五日受冊於太原府第
冊府元龜漢高祖初仕爲河東兵馬使常因事至代北
遮虜軍路側有唐衛公李靖祠遇戌卒乘酒以索戲擊
其神之頸卒尋致殞時戌長邑老元陳祈禱以解之而
了無應驗帝乃爲祝曰公本朝名將精爽在天雖庸輩
褻賣誠當其責而人既有請良可恕焉因然香致拜卒
者俄蘇傳其神語曰此非大貴人救不可免也聞者神
其事後爲河東節度使天福十一年天下水太原葭蘆
茂盛最上一葉如旗狀皆磁州賊首梁暉取相州來歸
南指焉明年遂卽帝位
原注變來降曰來歸哀斯人也是時天下無主得其正
則往歸之與乎叛于彼而來于此者異矣漢高祖非有
德之君惶惶斯人之無所歸者猶得而歸也故曰歸武節都指揮使史宏肇取代
州殺其刺史王暉晉州將藥可儔殺其守將駱從郎及
括錢使諫議大夫趙熙來歸辛巳陝州畱後趙暉潞州

畱後王守恩來歸

五代史甲戌帝以晉帝舉族北遷憤惋久之是日率親兵趨土門路邀迎

晉帝至壽陽聞其已過乃還契丹聞帝建號偽制削奪

帝官爵以通事耿崇美為潞州節度使高唐英為相州

節度使崔廷勲為河陽節度使以扼要害之地丁丑磁

州賊帥梁暉據相州己卯帝遣都將史宏肇率兵討代

州平之初代州刺史王暉叛歸契丹宏肇一鼓而拔之

斬暉以徇庚辰權晉州兵馬畱後張晏洪奏軍亂殺知

州副使駱從朗及括錢使諫議大夫趙熙以城歸順時

晉州畱後劉在明赴東京朝于契丹從朗知軍州事帝

方遣使張晏洪辛處明等告諭登極從朗因之本城大

將藥可偽殺從朗于理所州民相率害趙熙三軍請晏

洪為畱後處明為都監辛巳權陝州州畱後趙暉權潞州

畱後王守恩並上表歸順癸未澶州賊帥王瓊與其衆

斷本州浮橋瓊敗死之時契丹以族人朗鄂為澶州節

度使朗鄂性貪虐吏民苦之瓊為水運什長乃構夏津

賊帥張乙得千餘人沿河而上中夜竊發自南城殺守

將絕浮航入北城朗鄂據牙城以拒之數日會契丹救

至瓊敗死焉契丹主初聞其變也懼甚由是大河之南

無久畱之意尋遣天雄軍節度使杜重威歸鎮洛陽

摺紳舊聞記陝虢州人少讀書業文尤長於詩五十
餘恥無成遂求隸號之右職相次爲步使號陝之屬郡
使府籍其才幹召置陝城久之會晉末戎虜犯中夏侯
章趙暉俱爲奉國指揮使在陝王晏爲都頭戎將令至
陝驛侯章等隨虜帥就驛候之虜命蕃將鎮陝一旦有
蕃使見侯章衣新褐毛衫繫金度銅束帶虜使人再三
視侯與虜蕃語往來甚久蕃帥臨上馬命譯語者謂章
曰天使要指揮身上毛衫與束帶還之甚急侯不獲已
與之假他人衣與帶而歸三人同行章在澗南遂召王
晏與趙暉來澗南營內取酒同飲旣而侯章曰安有身
爲指揮使著一領毛衫繫一條銅束帶作主不得就身
上奪却憤惋久之趙暉亦怒獨王晏無言將散晏謂侯
章趙暉曰今世亂我輩衣與束帶閒事將來未知死所
爾侯與趙曰如何王晏曰到恁田地藉箇甚今夜領二
三十人入驛斫取蕃使頭因便入衙殺了蕃王所差使
長得則固守不得則將家屬掠金帛入河東投奔劉大
王劉大王卽漢高祖也侯初怯不應趙暉然之晏熟視
侯章久之而去是夜獨王晏趙暉率死士數十人入驛
斬戎使盡取財物以歸乃踰牆入行苑章章惶懼拜于馬
王晏領甲騎數百人詣澗南欲殺侯章章章惶懼拜于馬

前釋之令上馬推趙暉爲首侯章王晏爲都監巡檢差
 陶公與趙暉之子延進同賞表奏漢祖勸進焉漢祖大
 喜因次第酬之後漢祖知晏功三人皆節度備在正史
 陶公遂委質事漢祖及王師南舉命爲開導使高祖卽
 天位陶使人來求趙暉侯章等奏舉朝廷不得已遂授
 公號州刺史然執政者由是側目矣罷郡處之環衛後
 出爲蕃方副車軍司馬焉終於荊州副使知州事公能
 詩與官師王相博善常有詩往來屬和翰林承旨陶公
 穀叔事之自前延安軍司馬授華州行軍陶翰林爲序
 親書以送之送從叔赴華下序略曰聖上卽位之三年
 命前延安軍司馬參戎闕于華下級舊俗也踐華寧秦
 之境遠皇猷者五十有九年矣劉鄩騷擾風而可仰玉蟾
 蹴鮮醜醜耐山時云漆燁燁赤驥嘶風而笑天風脫
 躍彩以如畫潛編嘉作別後知音攀琪樹而笑公晚年
 遷周頌控文鱗而飛赤水幅裂韓詩辭多不載公晚年
 知進士張翼能詩召置門下厚待之嘗曰七言詩我不
 如翼五言詩翼不如我陶公詩有河經蕃地濁山到漢
 家青又在環衛時詩擬拋丹禁去試著白衣看有集陶
 翰長爲之序張翼常投詩兩軸於宮師王相溥王相以
 詩謝云清河詩客本賢良惠我新吟六十章格調宛同

羅給事功夫深似賈司倉登山始覺天高廣到海方知
浪渺茫好去蟾宮是歸路明年應折桂枝香陶以副車
別駕權莅著閭者久之所至稱治不苛不擾律身省事
而已在政無赫赫之稱罷任日民皆攀轅轅遮留泣涕塞
路前驅鞭撻之然後進既遭逢漢祖始川爲開導使以
其讀書多學有木秀之思一求薦于三帥過亦輕矣抄
一刺史二年而罷竟以散秩坎軻終身亦命夫時俗謂
之求關節履捷逕以致身者得爲深誠乎仲尼曰富而
可求雖執鞭之士吾亦爲之聖人之旨明富不可妄求
况貴位乎子元胤有文章擢進士第烏乎今不幸而殂
矣三月丙戌朔蠲河東雜稅辛卯延州軍亂逐其節度
使周密通鑑考異漢高祖實錄云高允權爲延州令周
密以允權故將之子恐與邊人締結移爲州主
簿密後以言問之復遣親黨潛構諸部衆心遂搖王辰丹
州指揮使高彥詢以其州來歸壬寅契丹遜原注間漢
起太原畏
而去故與自去異其以其將蕭翰爲宣武軍節度使守
文遜者退避之名

汴州

五代史三月丙戌朔詔河東管内自前稅外雜色徵配一切除放是日契丹主坐崇元殿行入閣之

禮契丹主

以舅蕭翰爲宣武軍節度使辛卯權延州畱

後高允權

遣判官李彬奏本道節度使周密爲三軍所

逐以允權

知畱後事上表歸順未幾帝召密赴行在壬

辰丹州都

指揮使高彥珣殺僞命刺史據城歸命壬寅

契丹主發

自東京還本國是日宿于赤崗至晡有大聲

如雷起于

敵帳之下契丹自黎陽濟河遂趨相州庚戌

帝以北京

馬步軍都指揮使泗州防禦使檢校太保劉

崇爲太原

尹檢校太尉以北京馬步軍都虞候郭從義

爲鄭州防

禦使檢校太保以北京興捷左廂都指揮使

李洪信爲

陳州刺史檢校司徒以興捷右廂都指揮使

向洪遷爲

單州刺史檢校司徒以北京武節左廂都指

揮使益萬

爲蔡州刺史以武節右廂都指揮使周暉爲

濮州刺史

以保寧都指揮使朱奉千爲隨州刺史辛亥

吐渾節度

使王義宗加檢校太尉以前忻州刺史秦習

爲耀州團

練使癸丑以北京畱守檢校夏四月己未右

司徒白文

珂爲河中節度使檢校太尉

都押衙楊邠爲樞密使蕃漢兵馬都孔目官郭威權樞

密副使契丹陷相州殺梁暉癸亥立魏國夫人李氏爲

皇后甲子河東節度判官蘇逢吉觀察推官蘇禹珪爲

中書侍郎同中書門下平章事五代史蘇禹珪字元錫

高密今爲郡人也父仲容以儒學稱於鄉里唐末舉九

經補廣文助教遷輔唐令累贈太師禹珪性謙和虛襟

接物克構父業以五經中第辟遼州倅職歷青鄆從事

轉路并管記累檢校官至戶部郎中漢高祖作鎮并門

奏爲兼判開運末契丹入汴漢祖卽位於晉陽授中書

侍郎平章事漢祖至汴兼刑部尙書俄加右僕射集賢

殿大學士漢祖大漸與蘇逢吉楊邠等受顧命立少主

明年轉左僕射三年冬太祖入平內難禹珪遁入都城

爲兵士所擄翼日太祖令人求之既見撫慰甚至尋復

其位國初加守司空尋罷相守本官世宗嗣位封莒國

公未幾受代歸第顯德三年正月旦與客對食之際暴

疾而卒時年六十二禹珪純厚長者遭遇漢祖及蘇逢

吉夷滅禹珪恬然無咎時人以爲積善

之報也子德祥登進士第累歷臺省

乙丑侍衛親軍

步軍都指揮使史宏肇取潞州戊辰奉國指揮使武行

德以河陽來歸

東都事畧武行德太原榆次人也身長九尺餘氣貌洪偉少負薪道遇晉高祖

高祖見其魁梧甚奇之

因畱之帳下仕晉爲寧國軍都

虞候契丹犯京師

行德陷于契丹僞請自効因遣送將

校數十人護所取尙方鎧甲還虜中至河陰行德謂衆

曰我與若等能爲異域鬼耶衆素伏其威名皆曰惟命

遂攻孟州走其節度使崔廷勲悉以府庫分諸校而權

領州事遣其弟行友詣太原勸進漢高祖喜因來河陽

依行德行德以兵翼至京師授河陽三城節度使加同

平章事移鎮成德周廣順初加兼侍中改鎮忠武封譙

國公兼中書令改封邢徙鎮武寧世宗征淮行德坐失

律左遷右衛大將軍尋授保大軍節度使封宋國公

冊府元龜周武行德爲西京畱守白馬寺僧永順每歲

至四月于寺聚衆擊鼓搖鈴衣婦人服赤麻縷盡襪誦

雜言里人廢業聚觀有自遠方來者行德惡其惑衆殺

之又前畱守

恩都押衙徐祚以醉訛言行德惡其惑衆殺

五代史補武行德之守洛京也國家方設鹽法有能捉

獲一觔以上者必加厚賞時不逞之徒往往以私鹽中

人者常有村童負薪入城途中值一尼自河陽來與之偕行去城近尼輒先入既而門司搜閱於菜籃中獲鹽數觔遂執之以詣府行德取其鹽視之裏以白絹手帕子而龍麝之香襲人驚曰吾視村童笑衣百結藍縷之甚者也豈有薰香帕子必是奸人爲之爾因問之曰汝離家以來與何人同途村童以實對行德聞之喜曰吾知之矣此必天女寺尼與門司啟倖以來求賞也遽問其狀命信捕之乃卽日而獲其事果連門司而村童獲免自是官吏畏服而莫敢欺京邑肅然先是行德以採薪爲業氣雄力壯一谷之薪可以盡負鄉里謂之武一谷高祖在河東見之驚異因召置麾下攀鱗附翼遂至富貴然聽訟甚非所長至是明辨如此論者異之史

宏肇取澤州丙子契丹耶律德光卒于欒城契丹入于

鎮州

五代史夏四月己未以北京馬軍都指揮使集州刺史劉信爲滑州節度使充侍衛馬軍都指揮使

檢校太傅

以北京武節都指揮使雷州刺史史宏肇爲許

州節度使

充侍衛步軍都指揮使檢校太傅以北京

城都指揮使

壁州刺史常思爲鄧州節度使檢校太傅

兼權北京馬步軍都指揮使三城巡檢使以河東行軍
司馬張彥威爲同州節度使檢校太保以蕃漢兵馬都
孔目官郭威爲樞密副使檢校司徒以河東左都押
衙扈彥珂爲宣徽南院使檢校司徒以右都押衙王浩
爲宣徽北院使檢校司徒以兩使都孔目官王章爲權
三司使檢校太保是日契丹主取相州殺雷後梁彈
磁州無所侵犯遣使送款于帝暉偵知相州頗積兵仗且
無守備遂以三月二十一日夜與其徒踰垣而入殺契
丹數十人奪器甲數萬計遂據其城契丹主先遣僞命
相州節度使高唐英率兵討之未幾契丹主至城下是
月四日攻拔之遂屠其城翼日契丹主北去命高唐英
鎮之唐英閱城中遺民得男女七百人已乾祐中王
繼宏鎮相州奏于城中得髑髏十餘萬殺人之數從可
知也庚申以石州刺史易全章爲洛州團練使以前
州刺史安眞爲宿州團練使以嵐州刺史孟行超爲
州團練使以汾州刺史武彥宏爲曹州刺史使以前
州刺史慕容信爲齊州刺史李漢韜爲汝州刺史使
魏國夫人李氏爲皇后甲子以皇長子承訓爲左衛上

將軍第二子承祐爲左衛大將軍第三子承勳爲右衛
大將軍皇女彭城郡君宋氏封永寧公主皇姪承贊爲
右衛上將軍以河東節度判官蘇逢吉爲中書侍郎同
平章事集賢殿大學士以河東觀察判官蘇禹珪爲中
書侍郎同平章事升府州爲節鎮加永安軍節度使以振武
節度使府州團練使折從阮爲永安軍節度使行府州
刺史檢校太尉以北京隨使左都押衙劉銖爲河陽節
度使以河東支使韓祚爲左諫議大夫充樞密直學士
乙丑遣史宏肇率兵一萬人勸潞州丙寅以權知潞州
軍州事左驍衛大將軍王守恩爲潞州節度使檢校太
保以權點檢延州軍州事高允權爲延州節度使檢校
太保以奇嵐軍使鄭謙爲忻州刺史遙領應州節度使
充忻代二州義軍都部署丁卯以河東都巡館驛公河
巡檢使閻萬進爲嵐州刺史領朔州節度使充嵐憲二
州義軍都制置戍辰權河陽軍後武行德以城來歸初
契丹主將發東京船載武庫軍仗自汴浮河欲置之於
北地遣奉國都虞候武行德部送與軍士千餘人并家
屬俱行至河陰軍亂奪兵仗殺契丹監吏衆推行德爲
帥與河陰屯駐軍士合乃自汜水抵河陽河陽爲命節
度使崔廷勳率兵拒之兵敗行德等追躡之廷勳棄城

而通行德因據其城僞命西京留守劉晞棄洛城南走
許州遂奔東京洛京巡檢使方太自署知留守事未幾
太爲武行德所害是月蕃將耿崇美屯澤州史宏肇遣
先鋒將馬海率兵擊之崇美退保懷州崔延勳以契丹
衆攻武行德于河陽行德出戰爲廷勳所敗汴州蕭翰
遣蕃將高牟翰將兵援送劉晞復歸于洛牟翰至殺前
澶州節度使潘瓌于洛陽辛未以河陽都部署武行德
爲河陽節度使檢校太尉充一行馬步軍都部署甲戌
潞州節度使王守恩加檢校太尉以前棣州刺史慕容
彥超爲澶州節度使檢校太保丙子契丹主耶律德光
卒于鎮之欒城趙延壽于鎮州自稱權知國事辛巳陝
州節度使趙暉加檢校太傅以陝府馬步軍副都指揮
使兼絳州防禦使王晏爲晉州節度使檢校太傅以
丹州都指揮使權知軍州事高彥珣爲丹州刺史以五
月甲午太原尹劉崇爲北京留守丙申如東京蕭翰遜
歸于契丹以郇國公李從益知南朝軍國事戊申次絳
州冊府元龜漢高祖卽位初自晉赴雒次絳郡有司奏
置頓厄口鎮帝曰地名稍惡安可宿之朕記此別有

好路乃遣人蕩之果坦夷而至于開喜縣有從騎葉駒
繇厄口者多爭路墮于絕壑從臣歎曰昔高皇帝避栢
人之名其智若神我帝惡厄口刺史李從朗來歸五代
而人聞喜何千載之暗合耶
福十二年夏五月乙酉朔契丹所署大丞相政事令東
京畱守燕王趙延壽爲永康王烏裕所繫旣而烏裕召
蕃漢臣寮于鎮州牙署矯其主遺詔命烏裕同位于是
發哀成服辛卯詔取五月十三日車駕南幸甲午以判
太原府事劉崇爲北京畱守命皇子承訓武德使李暉
大內巡檢丙申帝發河東取陰地關路幸東京時星官
言太歲在午不利南巡故路出陰地丁酉史宏肇奏澤
州刺史翟令奇以郡來降是日契丹所署汴州節度使
蕭翰迎郇國公李從益至東京請從益知南朝軍國事
己亥蕭翰發離東京北去乙巳契丹永康王烏裕自鎮
州還蕃行次定州以定州節度副使耶律忠爲定州節
度使孫方簡爲雲州刺史李從朗以郡降初契丹遣偏
校成霸卿曹可璠等守其郡帝建義之始不時歸命及
車駕至帝耀兵于城下六月丙辰次河陽殺李從益及
不令攻擊從朗等遂降

其母于京師甲子至自太原

五代會要四年六月十一日至東京受朝於崇元殿

戊辰改國號漢

原注高祖初建國無國號蓋其制詔皆無明文故闕不書然稱天福十二年則

國仍號晉可知但無明據故慎于所疑爾此書改國號漢則未改之前宜有所稱可以推知也赦罪人

蠲民稅于闕遣使者來是夏劉昫薨

五代史六月乙卯契丹河中節度使

趙贊起復河中節度使是日契丹右僕射兼中書侍郎平章事張礪卒于鎮州丙辰車駕至洛兩京文武百寮

自新安相次奉迎郇國公李從益唐明宗淑妃王氏皆賜死于東京甲子車駕至東京丙寅以漢州就糧歸捷

指揮使張建雄爲濮州刺史以金州守禦指揮使康彥環爲金州防禦使建雄彥環皆因亂害本州刺史自知

州事故有是命以北京知進奏王從璋爲內客省使戊辰制大赦天下應天福十二年六月十五日昧爽已前

天下見禁罪人已結正未結正已發覺未發覺除十惡五逆外罪無輕重咸赦除之諸州去年殘稅並放東西

京一百里內放今年夏稅一百里外及京城今年屋稅並放一半契丹所授職任不議改更諸貶降官未量移

與量移已量移者與敘錄徒流人並放還應係欠省錢
家業抵當外並放宜以國號爲大漢年號依舊稱天福
云己巳詔青州襄州安州復爲節鎮曹陳二州依舊爲
郡王申北京留守劉崇加同平章事以中書舍人劉繼
儒爲宗正卿翰林學士承旨尙書兵部侍郎張允落職
守本官以尙書左丞張昭爲吏部侍郎以左散騎常侍
邊歸謫爲禮部侍郎以左散騎常侍王仁裕爲戶部侍
郎充翰林學士承旨以右諫議大夫張沆爲左散騎常
侍充翰林學士以戶部侍郎李式爲光祿卿以翰林學
士尙書禮部侍郎邊光範爲衛尉卿甲戌詔文武臣僚
每遇內殿起居輪次上封事丁丑以湖南節度使馬希
範卒輟視朝三日是月契丹所命相州節度使高唐英
爲屯駐指揮使王秋五代史秋七月己丑以御史中丞
繼宏楚暉所殺秋趙上交爲太僕卿以戶部侍郎邊
蔚爲御史中丞甲午武安軍節度副使水陸諸軍副都
指揮使判內外諸司江南西道觀察等使檢校太尉馬
希廣可檢校太師兼中書令行潭州大都督天策上將
軍充武安軍節度湖南管内觀察使江南諸道統封
楚王丙申以鄴都留守天雄軍節度使檢校太師守太
傅兼中書令衛國公杜重威爲宋州節度使加守太尉

以宋州節度使檢校太師兼中書令高行周爲鄴都
守加守太傅以鄆州節度使檢校太師兼中書令以河
爲河中節度使加兼中書令以河中節度使檢校太
趙贊爲晉昌軍節度使張彥超爲鄆州節度使加檢
太師庚子以徐州節度使使檢校太師同平章事岐國公
符彥卿爲兗州節度使加兼侍中以鄧州節度使檢校
太師王周爲徐州節度使加同平章事以許州節度使
檢校太保劉重進爲鄧州節度使加檢校太傅以兗州
節度使檢校太師兼侍中安審琦爲襄州節度使檢校
太師莒國公李從敏爲西京留守加同平章事以鳳翔
節度使檢校太師同平章事侯益依前鳳翔節度使加
兼侍中辛丑故守司空兼門下侍郎平章事譙國公劉
昫贈太保甲辰華州節度使侯章同州節度使張彥威
涇州節度使史威並加檢校太尉以晉昌軍節度使檢
校太保劉銖爲青州節度使加檢校太尉同平章事以
河中節度使檢校太尉白文珂爲鄆州節度使加同平
章事以青州節度使楊承信爲安州節度使加檢校太
滑州節度使兼侍衛馬軍都指揮使劉信許州節度使
兼侍衛步軍都指揮使史宏肇並加檢校太尉庚戌以
司天監任延浩爲殿中監以司天少監杜昇爲司天監

是月契丹永康王烏裕囚祖母舒嚕氏于木葉山五代會要天福十二年七月追封故韓王王建立爲秦王
閏七月乙丑禁造契丹服器天雄軍節度使杜重威反
原注杜重威于晉出帝時避出帝名去重至漢而復之天平軍節度使高行周爲

鄴都行營都部署以討之庚辰追尊祖考爲皇帝妣爲
皇后高祖湍諡曰明元廟號文祖祖妣李氏諡曰明貞
曾祖昂諡曰恭禧廟號德祖祖妣楊氏諡曰恭惠祖僕
諡曰昭憲廟號翼祖祖妣李氏諡曰昭穆考璵諡曰章
聖廟號顯祖妣安氏諡曰章懿以漢高皇帝爲高祖光
武皇帝爲世祖皆不祧五代史閏月辛酉以左衛上將軍皇甫立爲太子太師致仕乙丑禁造契丹樣鞍轡器械服裝故開封尹桑維翰贈尙書令故西京留守景延廣贈中書令以前衛尉卿薛仁

謙爲司農卿兩寅唐故樞密使郭崇韜贈中書令故河中節度使安重誨贈尚書令故華州節度使毛璋贈特中故汴州節度使朱守殷贈中書令故青州節度使楊光遠贈尚書令追封齊王仍令所司追謚立碑唐故河中節度使西平王朱友謙追封魏王故樞密使馮贇贈中書令故河陽節度使判六軍康義誠贈中書令故襄州節度使京兆尹王思同故邠州節度使安重榮並贈侍中庚午以爲樞密直學士新授宋州節度使北院使杜重威據鄴都叛詔削奪重威官爵貶爲庶人以高行周爲行營都部署率兵進討辛未以樞密使楊邠爲樞密使加檢校太傅以樞密副使郭威爲副樞密使加檢校太保以權使王章爲三司使加檢校太傅王申故晉昌軍節度使趙在禮贈中書令故曹州節度使石贊贈侍中故滑州節度使皇甫遇贈中書令故同州節度使孟承誨贈太貝州節度使梁漢璋皆贈太尉故宣徽使劉繼勳故保丁丑有禁出于張旬日而減己卯陝州節度使趙暉加階爵晉州節度使王晏加檢校太尉河陽節度使武行德加階爵延州節度使高允權加檢校太尉鄧州節

度使常思加檢校太尉移鎮潞州庚辰追尊六廟以太
祖高皇帝世祖光武皇帝爲不祧之廟高曾已下四廟
追尊諡號已載于前矣是日權太常卿張昭上六廟樂
章舞名太祖高皇帝室酌獻請依舊奏武德之舞世祖
光武皇帝室酌獻請依舊奏大武之舞文祖明元皇帝
室酌獻請奏靈長之舞德祖恭僖皇帝室酌獻請奏積
善之舞翼祖昭獻皇帝室酌獻請奏顯仁之舞顯祖章
聖皇帝室酌獻請奏章慶之舞其六廟歌詞文多不錄
五代會要漢文祖明元皇帝諱湍東漢顯宗第八子
淮陽王昞之後天福十二年閏七月追尊明元皇帝廟
號文祖葬懿陵無陵所遙申朝拜德祖恭僖皇帝諱昂
明元皇帝長子母曰明皇后李氏天福十二年閏七月
追尊恭僖皇帝廟號德祖葬沛陵無陵所遙申朝拜翼
祖昭獻皇帝諱僖恭僖皇帝長子母曰恭惠皇后楊氏
天福十二年閏七月追尊昭獻皇帝廟號翼祖葬威陵
北京晉陽縣是其所顯祖章聖皇帝諱瑱昭獻皇帝長
子母曰昭穆皇后李氏天福十二年閏八月護聖指揮
七月追尊章聖皇帝廟號顯祖葬肅陵

使白再榮逐契丹以鎮州來歸丙申安國軍節度使薛

懷讓殺契丹之將劉鐸入于邢州五代史八月壬午朔
 都指揮使白再筠等逐契丹所命節度使滿達勒復其
 城滿達勒與河陽節度使崔廷勲洛京畱守劉晞並奔
 定州馳驛以聞庚寅以洛州團練使薛懷讓為邢州節
 度使辛卯詔恒州復為鎮州順國軍復為成德軍乙未
 以護聖左廂都指揮使恩州團練使白再筠為鎮州畱
 後丙申詔天下凡關賊盜不計贓物多少案驗不虛並
 處死以兩浙節度使守太師兼中書令吳越國王錢宏
 佐薨廢朝三日丙午以吐渾府節度使檢校太尉王義
 宗為沁州刺史依前吐渾節度使己酉以刑部尚書賈
 貞固為吏部尚書是日薛懷讓奏收復邢州殺偽命節
 度副使知州事劉鐸初懷讓為洛州防禦使契丹滿達
 勒發健步督洛州糧運懷讓殺之以聞帝遣郭從義與
 懷讓攻取邢州蕃將楊衮來援鐸懷讓拒之不勝退保
 洛州敵騎掠其部民大被其苦會鎮州逐滿達勒楊衮
 收兵而退鐸乃上表請命懷讓乘其無備遣人給鐸云
 奉詔襲契丹請置頓于邢鐸開門迎之即為懷讓所害
 時人冤之鐸初受契丹命為邢州都指揮使及永康王
 以高奉明為節度使滿達勒署鐸為邢州副使兼都指

揮使帝至東京奉明歸鎮州令鐸知邢州事至是遇害
庚戌文武百寮上表請以二月四日降誕日爲聖壽節
從之前晉昌軍節度副使李肅加左驍衛上將軍致仕
是月遣使諸道和市戰焉五代會要晉天福十二年
八月敕應天下凡關強盜捉獲不計贓物多少按驗不
虛並宜處死又漢天福十二年八月詔天下州府和
買戰九月甲戌吏部尙書竇貞固守司空兼門下侍郎

翰林學士中書舍人李濤爲中書侍郎同中書門下平

章事

容齋續筆竇貞固漢隱帝相也周世宗罷政以司徒

課役貞固不能堪訴

庚辰北征五代史九月甲子宰臣

於畱守向拱拱不聽庚辰北征五代史九月甲子宰臣

禹珪兼刑部尙書丁卯以吏部侍郎權判太常卿事張

昭爲太常卿戊辰故易州刺史郭璘贈太傅甲戌宰臣

蘇逢吉加左僕射監修國史蘇禹珪加右僕射集賢殿
大學士以吏部尙書竇貞固爲守司空兼門下侍郎平
章事宏文館太學士以翰林學士行中書舍人李濤爲
中書侍郎兼戶部尙書平章事是日權太常卿張昭上

疏奏改一代樂名戊寅詔以杜重威叛命取今月二十九日暫幸澶魏已卯以前樞密使李崧爲太子太傅以前左僕射和凝爲太子太保庚辰車駕發京師冬十月甲申次常城赦河北盧文紀爲太子太師以前磁州刺史李穀爲左散騎常侍甲申車駕次常城詔河北諸州見禁罪人自十月五日昧爽已前常赦所不原者咸赦除之壬辰日有黑子如雞卵丙申以相州畱後王繼宏爲相州節度使加檢校太傅至鄴都城下丙午詔都部署高行周督衆攻城帝登高阜以觀之時衆議未欲攻擊副部署慕容彥超堅請攻之是日王師傷夷者萬餘人不克而退彦十一月壬申杜重威降五代史十一月壬子雨木冰癸丑南奏荆南節度使高從誨叛辛酉雨木冰壬申杜重威上表請命癸酉雨木冰丁丑杜重威素服出降待罪于宮門詔釋其罪鄴都留守天雄軍節度使高行周加守太尉尋封臨清王以杜重威爲檢校太師守太傅兼中書令楚國公己卯以許州節度使同平章事充侍衛親軍馬步使史宏肇爲宋州節度使同平章事充侍衛親軍馬步

軍都指揮使以滑州節度使兼侍衛馬軍都指揮使劉
信爲許州節度使同平章事充侍衛親軍馬步軍副都
指揮使以前定州節度使慕容彥超爲鄆州節度使以鄭州防
章事使郭從義爲十二月癸巳至自鄆都辛巳朔以護聖
禦使郭從義爲十二月癸巳至自鄆都辛巳朔以護聖
左廂都指揮使岳州防禦使李洪信爲遂州節度使充
侍衛步軍都指揮使以護聖右廂都指揮使永州防禦
使尚洪遷爲夔州節度使充侍衛步軍都指揮使丙戌
車駕發鄆都歸京癸巳至自鄆都甲午以皇子開封尹
承訓薨廢朝三日追封魏王丁酉帝舉哀于太平宮庚
子司徒李麟薨辛丑以前鄆州節度使郭謹爲滑州節
度使加檢校太尉戊申宿州奏部民餓死者八百六十
有七人五代春秋丁未元年二月帝卽位于太原宮
稱天福十二年三月契丹德光遁歸死藥城五月丙申
帝東幸六月殺郇公從益甲子帝至京師楚王希範薨
閏七月鄆都杜威拒命八月越王宏佐薨九月庚辰帝
北征十一月杜威降赦之十二月癸巳帝至自鄆都
乾祐元年春正月乙卯大赦改元正月乙卯大赦改元

盡其已未更名五代會要改名嵩年五十三初名知

年肅景命肇啟鴻圖適當建號之初宜舉正名之典夫名

以制義義以出禮禮以體政政以養民載考格言抑有

藝訓顧性寡昧敢忘率循但君父之名貴于易避臣子

之敬難以斥尊苟觸類以妨言必迂文而害理况宗廟

方建禋祀匪遙祝嘏將期于正辭稱謂所宜於稽古爰

從改革庶叶典章凡百臣寮當體朕意今改名五代

札示想丁丑皇帝崩于萬歲殿史乾祐元年五月辛亥

宜知悉朔帝不受朝賀乙卯制大赦天下改天福十三年為乾

祐元年自正月五日昧爽已前犯罪人除十惡五逆外

罪無輕重咸赦除之已未改御名為嵩辛酉詔諸道行

軍副使判官並不帶奏薦帶使相節度使只許奏掌書記

支使節度推官不帶使相節度使只許奏掌書記節度

推官其防禦團練判官軍事判官等聽奏所薦州縣官

帶使相節度使許薦三人不帶使相等二人防禦團練刺

史一人云以前鄧州節度使燕國公馬道為守太師進

封齊國公甲子帝不豫庚午以前宗正卿石光贊為太

子賓客以太僕卿趙上交為祕書監丁丑故尚書左丞

韓祚贈司徒二十七日丁丑帝崩于萬歲殿時年五十
四秘不發喪庚辰太傅杜重威伏誅二月辛巳朔內降
遺制皇子周王承祐可于恆前卽皇帝位是日發哀其
年三月太常卿張昭上諡曰睿文皇帝武昭肅孝皇帝廟
號高祖十一月壬申葬于睿陵宰臣蘇禹珪撰謚冊哀
冊文云史臣曰在昔皇天降禍諸夏無君漢高祖肇起
并汾遼臨汴洛乘虛而取神器因亂而有帝圖雖曰人
謀諒由天啟然帝昔莅戎藩素貯物望泊登宸極未厭
人心徒矜拯溺之功未契來蘇之望良以急於止殺不
暇崇仁燕薊降師旣連營而受戮鄴臺叛帥因閉壘以
偷生蓋撫御以乖方俾征伐之不息及邕鑾輅尋墜烏
號故雖有應運之名而未覩爲君之德也五代會要
乾祐元年正月二十七日崩于大內萬歲殿年五十四
其年十一月二十七日葬睿陵在洛京告成縣謚曰睿
文聖武昭肅孝皇帝廟號高祖哀冊文右僕射平章事
蘇禹珪撰謚冊文右僕射平章事蘇禹珪撰謚議太常
卿張昭撰年號一乾祐盡元年幸相四人賣貞因蘇逢
舌蘇禹珪李濟使相二十人高從誨馬希廣錢宏侖杜
重威侯益高行周劉信李守貞符彥卿安審琦史宏肇
劉崇王周李從敏劉銖白文珂慕容彥超安叔千李葵

殷馬暉 五代春秋戊申乾祐元年正月乙卯改元帝

不豫丁丑帝崩于萬歲殿 文獻通考漢高祖實錄十

七卷陳氏曰監脩蘇逢吉史官賈緯等撰乾祐二

年上書二十卷今闕末三卷中與書目作十卷

隱皇帝高祖第二子承祐也 五代史隱皇帝諱承祐高

以居長興二年歲在辛卯三月七日生帝于鄴都之舊

第 五代會要隱帝諱承祐高祖第二子母曰皇后李

氏長興二年三月九日生高祖卽位拜右衛上將軍大

于太原以其日爲嘉慶節 高祖卽位拜右衛上將軍大

內都點檢 五代史高祖鎮太原署節院使累官至檢校

遷大內都點檢 尚書右僕射國初授左衛大將軍檢校司空

檢校太保 魏王承訓長而賢高祖愛之方屬以爲嗣

承訓薨高祖不豫悲哀疾劇乃以承祐屬諸將相宰相

蘇逢吉曰皇子承祐未封王請亟封之未及封而高祖

崩祕不發喪 五代史乾祐元年正月二殺杜重威契丹

崩祕不發喪 十七日高祖崩祕不發喪 契丹

契丹

漢主召蘇逢吉楊邠史宏肇入受顧命曰承祐幼弱後
事託在卿輩又曰善防杜重威是日殂逢吉等秘不發
喪下詔稱重威父子因朕小疾謗議搖
衆皆斬之陳死于市市人爭啖其肉

乾祐元年二月辛巳封承祐周王是日皇帝卽位于柩

前五代會要乾祐元年二月一日封
周王其日卽位於柩前年十八壬辰右衛大將軍

鳳翔巡檢使王景崇及蜀人戰于大散關敗之癸巳大

赦五代史二月辛巳授特進檢校太尉同平章事封周
帝遺制云周王承祐可于柩前卽皇帝位服紀日月一

依舊制是日內外發哀成服初高祖欲改年號中書門
下進擬乾和二字高祖改爲乾祐至是與御名相符甲

申羣臣上表請聽政詔答不允凡四上表從之丁亥帝
于萬歲殿門東廡下見羣臣尊母后爲皇太后己丑徐

州節度使王周卒庚寅以前晉州雷後劉在明爲鎮州

雷後幽州馬步軍都部署加檢校太尉是日工部尚書
龍敏卒壬辰右衛大將軍王景崇奏于大散關大敗蜀

軍俘斬三千人初契丹犯京師侯益趙贊皆受其命節制岐蒲聞高祖入洛頗懷反仄朝廷移贊于京兆侯益與贊皆求援于蜀蜀遣何建率軍出大散關以應之至是景崇糾合岐雍邠涇之師以破之癸巳制大赦天下自乾祐元年二月十三日昧爽已前所犯罪人已結正未結正已發覺未發覺常赦所不原者咸赦除之中外文武臣僚並與加恩馬步將士各賜優洽唐晉兩朝求訪子孫立爲二王後云丙午鳳翔巡檢使王景崇遣人送所獲僞蜀將校軍士四百三十八人至闕下詔釋之仍各賜衣服以兵部侍郎張允爲吏部侍郎以工部侍郎司徒詡爲禮部侍郎丁未以光祿卿李式爲尚書右丞以禮部侍郎邊歸譔爲刑部侍郎以刑部侍郎盧價爲兵部侍郎三月壬戌寶貞固爲大行皇帝山陵使吏部侍郎

郎段希堯爲副太常卿張昭爲禮儀使東都事畧張昭也舊名昭遠避漢高祖諱止稱昭十歲誦書數十萬言及長該洽經史以文謁興唐尹張憲憲卽以爲府推官憲爲北京留守昭從至晉陽時明宗起自鄴兵變于魏昭勸憲奉表明宗以勸進憲曰吾書生也天子委以保

釐之任吾豈苟生者乎昭曰此古之大節公能行之忠臣也憲既死論者以昭能成憲之節仕唐爲中書舍人晉時用桑維翰薦爲翰林學士漢初爲吏部侍郎加禮部尚書隱帝年十九猶有童心昵近小人昭上疏諫請近師傳延問正人以開聰明隱帝不省周廣順初拜戶部尚書遷兵部尚書世宗好拔奇取俊有白布衣上書下位言事者多不次進用昭諫曰昔唐初劉洎馬周起徒步太宗擢用爲相其後朱撲柳璨在下僚昭宗亦以大用然則太宗用之於前而國興昭宗用之於後而國亡士之難知也如此臣願陛下存舊法而用人以劉馬爲鑒朱柳爲戒則善矣恭帝卽位封舒國公初拜吏部尚書乾德元年爲郊祀鹵簿使禮成封鄭國公改封陳以老致仕嶺南平太祖遣使就問獻俘之禮昭卧疾口占皆有據當時服其博記卒年七十九昭在晉日與呂琦崔悅集唐義宇終天祐末史書二百卷又撰漢六廟謚策樂章所脩有唐莊宗實錄及功臣傳周太祖實錄續唐愍漢隱帝實錄錦繡萬花谷後集五代史補五代周張昭遠好學積書萬卷以樓藏之號書樓張家兵部侍郎盧價爲鹵簿使中丞邊蔚爲儀仗使丁丑

李濤罷護國軍節度使李守貞反陷潼關

五代史三月甲寅帝始御

廣政殿羣臣起居殿中少監胡崧上言請禁斫伐桑柞

爲薪城門所由專加捉搦從之丙辰鄴都畱守太尉中

書令臨清王高行周進封鄴王北京畱守檢校太尉同

平章事劉崇領宋州節度使兼侍衛親軍馬步軍都指

揮使檢校太尉同平章事史宏肇並加檢校太師兼侍

中前邢州節度使安叔干以太子太師致仕戊午以右

諫議大夫于德辰爲兵部侍郎庚申河中節度使檢校

太師兼中書令李守貞加守太傅進封魯國公襄州節

度使檢校太師兼中書令統國公安審琦加守太保進

封齊國公兗州節度使檢校太師兼侍中岐國公符彥

卿加兼中書令進封魏國公許州節度使兼侍衛親軍

副都指揮使檢校太尉同平章事劉信加檢校太師王

戊以宰臣竇貞固爲山陵使吏部侍郎段希堯爲副使

太常卿張昭爲禮儀使兵部侍郎盧價爲南簿使御史

中丞邊蔚爲儀仗使丙寅以前鳳翔節度使兼西南面

兵馬都部署檢校太師兼中書令侯益爲開封尹加兼中

書合西京畱守檢校太師十章事莒國公李從敏夏州

節度使檢校太師同平章事李彝殷並加兼侍中青州

節度使檢校太尉同平章事劉錫鄆州節度使檢校太尉同平章事慕容彦超並加檢校太師詔改廣晉府爲
大名府晉昌軍爲永興軍戊辰靈州節度使武行德滄州節
同平章事馮暉加兼侍中河陽節度使王晏並依前
度使王景華州節度使侯章晉州節度使史懿潞州節
檢校太尉加同平章事庚午涇州節度使史懿潞州節
度使常思同州節度使張彥威延州節度使郭從義邢州
依前檢校太尉加同平章事澶州節度使郭從義邢州
節度使薛懷讓並自檢校太傅加檢校太尉以前奉國
右廂都指揮使王饒爲鄆州雷後甲戌以邠州節度使
檢校太尉同平章事王守恩爲永興軍節度使加檢校
太師以滑州節度使檢校太傅自再筠爲滑州節度使
前鎮州雷後檢校太傅自再筠爲滑州節度使加檢校
太尉以陝州節度使檢校太尉同平章事趙暉爲鳳翔
爲陝州節度使河中節度使檢校太尉同平章事白文珂
奏故也丙子鄧州節度使劉重進相州節度使王繼宏
安州節度使楊信並自檢校太傅加檢校太尉以鎮州
雷後兼幽州一行馬步軍都部署如故貝州節度使檢校
鎮州節度使加檢校太師部署如故貝州節度使檢校

太傅李殷加檢校太尉定州節度使檢校太尉孫方簡
府州節度使檢校太傅折從阮並加檢校太師丁丑中
書侍郎兼戶部尚書平章事李濤罷免勒歸私第時蘇
逢吉等在中書樞密使楊邠副樞密使郭威等權勢甚
盛中書每有除授多爲邠等所抑濤不平之因上疏請
出邠等以藩鎮授之樞密之務宜委逢吉禹珪疏人邠
等知之乃見太后泣訴其事太后怒濤由是獲譴先是
中書廚釜鳴者數四未幾濤罷免西道諸州奏河中李
守貞謀叛發兵據潼關五代會要乾祐元年二月封
魏博節度使高行周爲鄴王又漢乾祐元年三月中
書廚釜鳴者七是月中書侍郎夏四月辛巳陝州兵馬
平章事李濤罷免勒歸私第

都監王王克潼關壬午永興軍將趙思綰叛附于李守

貞客省使王峻帥師屯于關西

原注峻不命爲將又不
合討賊但令以兵實關

西下文乃
見命將

楊邠爲中書侍郎兼吏部尚書同中書門下

平章事郭威爲樞密使鎮寧軍節度使郭從義爲永興

軍兵馬都部署

東都事畧郭從義字德全其先沙陀人也父古仕後唐賜姓李氏古卒從義尚

幼明宗時從義官至內園使仕晉爲宿州團練副使復姓郭云契丹入寇漢高祖將建國從義首贊其謀漢興爲鄭州防禦使拜鎮寧軍節度使趙思綰以永興叛命從義討之師次潼關河中李守貞來援從義遣人誘之遂圍思綰拜永興軍節度使思綰因甚從義遣人誘之遂謁見卽遣武士執之并其黨斬于市以功加同平章事周初加侍中移鎮許州改鎮天平世宗北征以從義副符彥卿充排陣使世宗還京戊子保義軍節度使白文師加兼中書令又改鎮武寧

珂爲河中兵馬都部署

洛陽摺紳舊聞記白中令諱文珂河東遼州人由軍職積勞至

藩方馬步都校遙郡後爲遼州刺史代州刺史在代州日值漢祖授北京畱守河東節度使代屬郡也中令長子日廷誨時爲衙內指揮使每日以事于郡政漢祖聞之怒其失教遂奏之罷郡白以屬郡路由并州遂詣府參謁漢祖見之覩其儀貌敦厚舉止閑雅訪以時事對荅有條貫一二中漢祖由是大喜屢開筵宴命賓客盛

歡而罷時漢祖已奏乞除一人北京副留守朝廷可之
除書既下中令日接漢祖從容會晉末邊寇猾夏漢祖
有掃除天下之志奇謀密畫中令之力居多遂成攀鱗
之遇焉中令漢祖建義授河中府節使漢祖即大位改
授天平軍未久移授陝府屬蒲岐雍三州連叛授河中
府招討之命兼知行府事周太祖時爲樞密使命總戎
律督三路攻取之執中令在北京日素與周祖親洽周
太祖屢召中令諮詢戎事三叛平周祖德之師旋與同
來時西京畱守王相守恩爲左右所惑大納賄賂衆口
誼譴周祖即日移牒中令權守官綸替王相歸第審奏
之漢少主遂下制除西京畱守大尹事兼中書令周祖
卽大位之數年公求入覲懇乞致政周祖敦諭頗切中
令辭以年老堅請不已遂許之授太子太師致仕許歸
洛下頤養賜以肩輿鳩杖命宰臣備祖筵于板橋餞之
遺榮之上繼二疏之跡千載之下一人而已公仗鉞
之後宣差皆相居潤充都押衙與公之肘腋牛從福爲
校練使常預心腹之寄屢以咎相有識畧密言于周祖
後漸用之驟至顯位使相嘗判開封府焉贈王爵沈中
令諱倫常客於白中令門下咎相既顯白中令使人密
以沈相名姓薦之咎相遂稱薦于太祖皇帝時太祖潛

龍擺天下兵柄畱沈相門下遂成魚水雲龍之契焉太
祖常告時宰懇爲沈中令乞一出身時宰以無例拒之
太祖登極召見沈相未除官先賜緋袍牙笏數日稱賜
緋人時宰相執尙欲取旨除散官何見之晚耶及中書
取進止上曰合與何官中書見上顏色遽曰欲除京官
上不荅中書再欲除升朝官上曰除何官中書相顧未
奏上曰且與除郎中遂除戶部郎中時宰尙欲置之散
地差監關市于維揚相次拜給事中時宰尙欲置之散
運使餉饋飛輓無闕以清白律身蜀平師旋無財色所
惑者中令與曹濟陽二人而已太祖識中令遠畧深識
寡言沈靜遂大用焉二公之貴達亦由中令之知人乎
中令既歿余熟其門余布衣受中令見知詳其事遂記
之河決原武五代史夏四月辛巳陝州兵馬監押王玉
日契丹棄定州遁去壬午以樞密使楊邠爲中書侍郎
兼吏部尙書平章事使如故以副樞密使郭威爲樞密
使加檢校太尉三司使王章加檢校太尉同平章事鄧
州刺史尹實奏荆南起兵在境上欲攻城是日以澶州
節度使郭從義爲永興軍一行兵馬都部署時供奉官
時知化王益自鳳翔部署前永興節度使趙贊部下牙

兵趙思綰等三百餘人赴開三月二十四日行次永興
思綰等作亂突入府城據城以叛故命從義率師以討
之甲申王景崇奏趙思綰叛見起兵攻討幸道宮佛寺
禱雨戊子東南面兵馬都元帥兩浙節度使檢校太師
兼中書令吳越國王錢宏俦加諸道兵馬都元帥天策
上將軍湖南節度使檢校太師兼中書令楚王馬希廣
加守中書令以陝州節度使白文珂爲河中府城下一
行都部署庚寅宰臣竇貞固蘇逢吉蘇禹珪並進封開
國公辛卯削奪李守貞在身官爵甲午以翰林學士承
旨戶部侍郎王仁裕爲戶部尙書以翰林學士左散騎
常侍張沆爲工部尙書以翰林學士中書舍人范質爲
戶部侍郎並依前充職以侍衛步軍都指揮使尙洪千充
部郎中並依前充職以侍衛步軍都指揮使尙洪千充
西南面行營都虞候以客省使王峻爲西南面行營兵
馬都監戊戌以宣徽南院使扈彥珂爲左金吾上將軍
庚子以左金吾大將軍充兩街使檢校太傅劉承贊爲
徐州節度使甲辰以宣徽北院使薛可言爲右金吾上
將軍以皇城使李暉爲宣徽南院使薛乙巳定州節度使
孫方簡奏復入于本州初方簡爲狼山寨主叛晉歸契
丹及契丹降中渡之師乃以方簡爲定州節度使契丹

主死永康王嗣位卽以蕃將耶律忠代之移方簡爲雲
州節度使方簡不受命遂歸狼山高祖至問方簡歸款
復以中山命之是歲三月二十七日契丹棄定州墮城
壁焚室廬盡驅人民入蕃惟餘空城瓦礫而已至是方
簡自狼山回保定州是月河決原武縣河五月己未回
北諸州旱徐州餓死民九百三十有七

鵲遣使者來乙亥

魏州內黃民武進妻一產三男子河

決滑州魚池旱蝗

五代史五月己酉朔國子監奏周禮

學官考校雕造從之己未回鵲遣使朝貢丁卯前翰林
學士徐台符自幽州逃歸乙亥河決滑州魚池六月戊
寅朔日有食之庚辰以內容省使王峻爲宣徽北院使
依前永興城下兵馬都監以冀州牢城指揮使張廷翰
爲冀州刺史時廷翰殺本州刺史何行通自知州事故
有是命甲申以皇弟右衛大將軍勳爲興元節度使檢
校太尉同平章事豐州節度使郭勳加檢校太師辛卯
永興兵馬都部署郭從義奏得王景崇報有兵自隴州
來欲投河中追襲至鄜城荆南節度使高從誨上表歸
命從誨嘗拒朝命至是方遣牙將劉扶詣關請罪丙申

鎮州奏節度使劉在明卒戊戌以河陽節度使武行德
爲鎮州節度使以宣徽南院使李暉爲河陽節度使以
相州節度使王繼宏爲貝州節度使王寅荆南高從誨
入貢謝恩釋罪丙午以前永興軍節度使王守恩爲西
京畱守是月河北早青州蝗五代會要漢乾祐元年
閏五月國子監奏在雕印板九經內有周禮儀禮公羊
穀梁四經未有印本今欲集學官校勘四經文字鑄板
從之又漢乾祐元年六月以皇弟勛領山南西道節
度管內觀察處秋七月戊申朔彰德軍節度使王繼宏
置等使與元尹殺其判官張易五代史王繼宏冀州南宮人少嘗爲盜
赦免死配隸本軍時明宗作鎮致之麾下晉高祖爲明
宗將署爲帳中小校天福中爲六軍副使性負氣不遜
禁中與同列忿爭出配義州軍歲餘爲奉國指揮使從
契丹主至相州遂令以本軍戍守契丹主畱高唐英爲
相州節度使唐英善待繼宏每候共第則升堂拜繼宏
之母贈遺甚厚倚若親戚又給以兵仗畧無猜忌會契
丹主死漢祖趨洛唐英遣使歸款漢祖大悅將厚待唐
英使未週繼宏與指揮使樊暉等共殺唐英繼宏自稱

畱後令判官張易奉表于漢祖人或責以見利忘義宏曰吾儕小人也若不因利乘便以求富貴畢世以來未可得志也及漢祖征杜重威至德清軍繼宏來朝乃正授節旄是歲就加檢校太傅節度判官張易每見繼宏不法必切言之繼宏以為輕已乾祐中因事誣奏殺之尋又害觀察推官張制漢末移鎮貝州就加檢校太尉廣順初加同平章事三月六日移鎮河陽會永壽節入觀遇疾卒于京師詔贈侍中子永昌仕皇朝歷內諸司使鸛鵒食蝗丙辰禁捕鸛鵒庚申郭威同中書門下平

章事癸亥契丹鄭州刺史王彥徽來奔庚午殺成德軍

副使張鵬

五代史張鵬鎮川鼓城人幼為僧知書有口辯喜大言後歸俗唐末帝為懿王時鵬往依

焉及即位用為供奉官累監軍旅晉開運中契丹迫瀋州鵬為前鋒監押奮身擊敵被創而還其後累于邊城戍守士伍服其勇乾祐初授鎮州副使過鄴城高行周接之甚歡鵬因言及晉朝傾亡之事少帝任用失人藩輔之臣唯務積財富家不以國家為意以至宗社泯滅非獨帝王之咎也行周性寬和不以鵬言為過鵬既退

行周左右謂行日張副使之言蓋譏令公也行周因發怒遂奏鵬怨國訛言故朝廷降詔就誅于常山時乾祐

元年七月乙亥王景崇叛附于李守貞五代史秋七月戊

月也王繼宏殺節度判官張易以訛言問是時法尚深刻藩

郡凡奏刑殺不究其實即順其請故當時從事鮮賓客

之禮重足累跡而事之猶不能免其禍焉壬子以工部

侍郎李穀充西南面行營都轉運使乙卯禮儀使張昭

上高祖廟尊號獻舞名并歌辭舞曲請以觀德為名歌

辭不錄丙辰以久旱幸道宮佛寺禱雨是日大澍開封

府言陽武雍邱襄邑三縣蝗為鵲鴿聚食詔禁捕鵲鴿

庚申樞密使郭威加同平章事辛酉滄州上言自今年

七月後幽州界投來人口凡五千一百四十七北土饑

故也乙丑以宣徽北院使王峻為宣徽南院使以內客

省吳虔裕為宣徽北院使以遂州節度使兼侍衛軍

馬軍都指揮使李洪信為澶州節度使以瀘州節度使

郭從義為永興軍節度使兼行營都部署庚午故兵部

尚書李擇贈尚書左僕射鎮州奏準詔處斬節度副使

張鵬訖鵬以一言之失為鄴帥高行周所奏故命誅之

乙亥新授鳳翔節度使趙暉奏與八作使王繼濤傾部

下兵同赴鳳翔時王景崇拒命故也
崇諒漢隱帝乾祐三年自保義軍節度副使爲中書舍
人充翰林學士崇諒晉朝爲員外郎知制誥契丹命爲
學士漢高祖入汴復召爲學士以母老思歸乞解職侍
養漢高祖嘉之命爲本州副使請傾郡俸王師討三兇
時節度使白文珂在軍前崇諒爲副使知後事凡供軍
儲備調發徵促尅期而辦近鎮崇諒爲文字稱職無踰崇諒乃
裕請退崇廷選學士議者以爲文字稱職無踰崇諒乃
復徵之至太祖時崇諒母病篤太祖許歸侍養廣順三
年復徵之至太祖時崇諒母病篤太祖許歸侍養廣順三
卿向以母親高年久嬰疾恙解職歸止徇意承顏始
疾辭今聞疾愈臻此康寧之福由其感應之誠苟徵命
以猶稽則才能而虛滯復乃職位式佇論思載覽表章
尙形眷戀諭以前詔俾之侍行子道旣以光揚君恩亦
須承順速宜祗赴無或再三崇諒認詔意不敢堅辭復
表言比及撰行節氣凝沍乞至春煖奉親歸朝許之仍
詔本州給行裝借馳馬送至京師八月壬午郭威討李
授禮部侍郎知制誥充翰林學士八月壬午郭威討李
守貞五代史八月己卯以華州節度使侯章爲邠州節
度使以左金吾上將軍扈彥珂爲華州節度使王

午命樞密使郭威赴河中府軍前詔河府永興鳳翔行營諸軍一稟威節制時李守貞王景崇趙思綰連衡作叛朝廷雖命白文珂常思攻討河中物議以二帥非守貞之敵中外憂之及是命之降人情大愜癸巳以奉國左廂都指揮使閻州防禦使劉詞爲夔州節度使充侍衛步軍都指揮使岳州防禦使兼河中行營都虞候以護聖左廂都指揮使岳州防禦使乙未兩浙節度使檢校太尉兼侍衛馬都指使錢宏倣吳越王元瓘之子也先是其兄宏侖襲父位國王錢宏倣加檢校太師兼中書令東南面兵馬都元帥宏倣故吳越王元瓘之子也先是其兄宏侖襲父位尋爲部下所廢以宏倣代之故特加是命焉新授鳳翔節度使趙暉奏部署兵士赴鳳翔城至二十六日郭威奏今月三十三日大軍已抵河府賊城至二十六日開長連塹畢築長連城次五代史補周高祖爲樞密鳳翔王與河中三鎮反高祖帶職出討之遇戈路由京洛時王守恩爲畱守以使相自專乘僭子迎高祖於郊外高祖遙見大怒且疾驅入於公館久之始令人傳旨托以高祖浴守恩不知其怒但安坐俟久之始令人在高祖麾下召而謂曰王守恩乘檐子俟吾誠無禮也安可久爲畱守汝宜亟去代之文珂不敢違於是卽時禮上頃之吏

馳去報守恩曰白侍中受樞密命爲留守訖留守大驚
奔馬而歸但見家屬數百口皆被逐於通衢中百姓莫
不聚觀其亦有乘便號叫索取貨錢物者高祖使吏籍
其數立命償之家財爲之一空朝廷悚然不甚爲理

九月西面行營都虞侯尙宏遷及趙思綰戰敗績五代史九

月戊申侯益部曲王守筠自鳳翔來奔言益家屬盡爲
王景崇所害王子郭威奏破河府賊軍于城下甲寅故
夔州節度使兼侍衛步軍都指揮使尙宏遷贈太尉乙
丑雪書不時也戊辰鳳翔都鄙署趙暉奏大破州軍于
大散關殺三千餘人其餘棄甲而遁壬申郭威奏得郭
從義報今月十四日鳳翔王景崇兵士離木城尋遣監
軍李彥從率兵襲至法門寺西殺戮冬十月甲申吐蕃
二千餘人詔升河中府解縣爲解州
使斯漫篤蘭氍藥斯來五代史冬十月丙子朔山陵使
陵從之丁丑夕歲星入太微戊寅趙暉奏破王景崇賊
軍于鳳翔城下甲申吐蕃遣使獻方物丙戌右羽林將
軍張播停任坐檢田受請託也丁亥中書舍人張誼貴
授房州司戶兵部郎中馬承翰責授慶州司戶並員外

置所在馳驛發遣先是誼與承翰俱銜命于兩浙觀其驕僭之失形于譏誚兼乘醉有輕肆之言錢宏俶恥之撫其過以奏之朝廷以方務懷柔故有是命甲辰延州奏夏州李彝殷先出兵臨州境欲應接李守貞今却抽退十一月甲寅殺太子太傅李崧滅其族壬申葬睿文

聖武昭肅孝皇帝于睿陵

原注在河南告成縣史十一月甲寅誅太子太傅

李崧及其弟司封員外郎嶼國子博士義夷其族為部曲誣告故也詔曰稔惡圖危難逃天網虧忠負義必速神誅李崧頃在前朝最居重位畧無裨益遂至滅亡及事契丹又為親密士民俱憤險佞可知先皇帝含垢掩瑕推恩念舊擢居一品俾列三師不謂潛有苞藏謀危社稷散差人使潛結奸兇附近山陵擬為叛亂按其所告咸已伏辜宜正典章川懲奸逆其李崧李嶼李義一家骨肉及同謀作亂人並從極法云庚申大行皇帝靈駕進發辛酉判南奏節度使高從誨卒壬申葬高祖皇帝于睿陵玉堂閒話睿陵之側有貧僧居之草衣芒屨不接人事嘗燔木取灰貯之亦有施其資鏹者得卽藏於灰中無所使用出入必輓一拖車謂人曰此是輿

馬車汝知之乎他日必有龍輿鳳輦萃於此地居人罔測其由及漢高祖皇帝因山於陵寢陶器所用須灰僧貯灰甚多至于畢功資用不缺又于灰積中頗獲資鏹輦輅之用不差毫釐因山旣畢僧亦化滅瘠陵行禮官寮靡不十二月己卯彰武軍節度使高允權殺太子太知者

師致仕劉景巖

五代史十二月丁丑荆南節度副使檢校太傅行峽州刺史高保融起復授荆

南節度副使檢校太尉同平章事渤海郡侯壬午帝被

衮冕御崇元殿授六廟寶冊正使宰臣蘇禹珪及副使

太府卿劉崇元赴西京行禮交州奏淮賊先于沂州界立

柵前月十七日己歸海州爲李守貞奉制也庚寅奉高

祖神主于西京太廟淮南僞主李璟奉書于帝云先因

河府李守貞求援又聞大國公淮屯軍富國亦于境上

防備昨聞大朝收軍當國尋已徹備其商旅請依舊日

通行朝廷不報辛卯羣臣上表請以三月九日誕聖日

爲嘉慶節從之延州節度使高允權奏得都頭李彥李

遇等告太子太師致仕劉景巖與鄉軍指揮使高志結

集草寇欲取臘辰窺圖州城尋請使臣與指揮使李勳

聊將兵士巡檢偵邏劉景巖果出兵關敵時卽殺敗其

劉景巖尋獲斬之詔曰劉景巖年已衰暮身處退閒曾無止足之心輒肆包藏之毒結集徒黨窺伺藩垣所賴上將輸忠三軍協力盡除醜類克殄渠魁其劉景巖次男前德州刺史行琮已行極法長男渭州刺史行謙孫男邢州馬軍指揮使崇勲特放是冬多昏霧日晏方解五代春秋戊申元年二月辛巳帝卽位誅杜威三月河中李守正拒命侯益以京兆叛附于守正六月戊寅朔日有食之七月王景崇以鳳翔叛附于李守正郭威帥師圍河中越人廢其君侁十一月殺李崧壬申葬高祖皇帝于睿陵五代史補趙惟則官至正郎以廉介自處乾祐中於京師賃一故宅居歲餘有叟叩門見之自言嘗爲此宅閤吏契丹犯闕時故主與之深夜掘地藏金銀幾瓮兵火之後故主去世人未有知者今識其處公取之以少許見賜用枚朝夕惟則初聞愕然欲詬責是叟久之伴喜曰甚善甚善寶物豈可容易而得汝慎勿言侯吾擇一日吉召汝取之可也叟以爲然旣出惟則謂家人曰平生不以貨財自汚今日一旦爲是褻瀆辱莫甚焉此宅不可復居翌日遂遷去

五代史記卷第十上

五代史記卷第十下

廬陵歐陽脩撰

徐無黨原注

南昌彭元瑞注

劉鳳誥排次

漢本紀第十

二年

原注隱帝卽位至此宜改元而不改元具周顯德二年注而帝名承祐年名乾祐舉國臣民共稱而

不改

避當時莫大之失本紀無春正月乙巳朔赦囚

議者

但書其實後世自見也

史乾祐

二年春正月乙巳朔制曰朕以眇躬獲繼洪緒

念守器

承祧之重懷臨深履薄之憂屬以天道猶艱王

室多故

天降重戾國有大喪奸臣樂禍以圖危羣寇幸

災而伺

隙力役未息兵革方殷朕所以嘗膽履冰廢食

輟寐

雖居億兆之上不以九五爲尊漸冀承平永安遐

邇內則

稟太后之慈訓外則仗多士之忠勲股肱叶謀

爪牙

宣力西摧三叛撫其背而扼其喉北挫諸蕃斷其

臂而折

其脊次則巴邛嘯聚淮海猖狂纔聞矢接鋒交

已見山摧岸沮寇難少息師徒無虧兼以脩奉園陵崇
建宗廟右賢左戚同寅協恭多事之中大禮無闕負荷
斯重哀感良深今以三陽布和四序更始宜申兌澤允
答天休卹獄緩刑捨過宥罪當萬物之享甲開三面之
網羅順彼發生以召和氣應乾祐二年正月一日昧爽
已前天下見禁罪人除十惡五逆官典犯贓合造毒藥
劫家殺人正身外其餘並放河府李守貞鳳翔王景崇
永興趙思綰等比與國家素無讎怨偶因疑懼遂至叛
違然以彼之生靈朕之赤子久陷孤壘可念非辜易子
析骸填溝委壑爲人父母寧不軫傷但以屈已愛人先
王厚德包垢含辱列聖美談宜推濟物之恩用廣好生
之道其李守貞等宜令逐處都鄙署分明曉諭若能翻
然歸順朕卽待之如初當保始終享其富貴明申信誓
固無改移其或不順推誠堅欲拒命便可應時攻擊尅
日盪平侯收復城池罪止元惡其餘註誤一切不問重
念征討已來勞役滋甚兵猶在野民未息肩急賦繁徵
財殫力匱矜卹之澤未被于疲羸愁嘆之聲幾盈于道
路卽俟邊烽少弭國難漸除當議優饒冀獲蘇息諸道
藩侯郡守等咸分寄任共體憂勞更宜念彼瘡痍倍加
勤卹究鄉閭之疾苦去州縣之煩苛勸課耕桑省察冤

濫共恢度政用副憂勞凡百臣寮當體朕意壬子賜前
昭義軍節度使張從恩衣一襲金帶鞍馬綵帛等時有
投無名文字誣告從恩者故特有是賜以安其心乙卯
河府軍前奏今月四日夜賊軍偷所河西寨捕斬七百
餘級時蜀軍自大散關來援王景崇郭威自將兵赴岐
下將行戒白文珂劉詞等曰賊之驍勇並在城西慎爲
倣備旣行至華州聞川軍敗退且憂文珂等在賊奔突
遂兼程而迴賊城內偵知郭威西行干正月四日夜遣
賊將王三鐵等率驍勇千餘人沿流南行坎岸而登爲
三道來攻賊軍已入王師砦中劉詞極力拒之短兵旣
接遂敗之二月丙子蠲民紐配租五代史二月丙子詔諸
苗畝上紐徵白米稗草已納外並放是日旦黑霧四塞
丁丑夕大風乙酉以前房州刺史李筠夫爲鴻臚卿戊
子前右監門將軍喬達及其兄契丹僞命客省使榮等
皆棄市達李守貞之妹壻也故皆誅之庚寅徐州巡檢
使成德欽奏至峒嶠鎮遇淮賊破之殺五百人生擒一
百二十人戊戌大雨霖庚子詔左諫議大夫賈緯等脩
撰高祖實錄三月丙辰以北京衙內指揮使劉鈞爲汾
州防禦使五代會要漢乾祐二年二月敕左諫議大

夫史館脩撰賈緯左拾遺直史館王仲宜令同脩高祖

實錄仍令宰臣蘇逢吉監脩冊府元龜乾祐二年三

月壬子嘉慶節羣臣夏五代史夏四月丙子以荆南節

詣佛寺齋設祝壽度行軍司馬武泰軍節度雷後

王保義爲檢校太尉領武泰軍節度使行軍如故丁丑

頴州獻紫兔白兔是月幽定滄貝深冀等州地震辛巳

太白經天辛丑五月李守貞之將周光遜降乙丑趙思

幸道宮禱雨

縮降五代史五月甲辰朔故湖南節度使檢校太尉兼

申以前邠州節度使安審約爲左神武統軍以前洛京

副畱守袁義爲右神武統軍乙卯河府軍前奏今月九

日河中節度副使周光遜乘賊河西寨與將士一千一

百三十人來奔已未右監門大將軍許遷上言奉使至

傅州博平縣界觀蝻生彌亘數里一夕並化爲蝶飛去

辛酉兗鄆齊三州奏蝻生乙丑永興趙思綰遣牙將劉

成詣闕乞降制授趙思綰華州節度雷後檢校太保以

永興城內都指揮使常彥卿爲虢州刺史丁卯宋州奏

蝗抱草而死已巳湖南奏蠻寇賀州遣大將軍徐進六

率兵援之戰于風陽山下大敗蠻獠斬首五千級

六

六

六

六

月辛卯回鶻首領楊彥珣來西涼府遣使者來蝗

五代史六

月癸酉朔日有食之交州奏捕蝗二萬斛魏博宿三州

蝗抱草而死乙亥穎州獻白鹿戊寅安州節度使楊信

奏亡父光遠蒙賜神道碑鐫勒畢無故中斷詔別令斷

石鐫勒已卯滑濮澶曹交淄青齊宿懷相衛博陳等州

奏蝗分命使致祭于所在川澤山林之神開封府滑

曹等州蝗甚遣使捕之壬午月犯心星辛卯回鶻遣使

貢方物丙申改商州乾元縣爲乾祐縣隸京兆府是月

邠寧澤潞涇延鄜坊晉絳等州旱五代會要漢乾祐

二年六月潁州進白鹿至三秋七月丁巳郭威殺華州

年五月太原進白鳥白兔

畱後趙思綰于京兆甲子克河中

原注守貞自焚死故不書伏誅五代史

秋七月丙辰樞密使郭威奏收復河府羅城李守貞退

保子城丁巳承興都部署郭從義奏新除華州畱後趙

思綰自今月三日授華州畱後準詔赴任三移行期仍

要鎧甲以給牙兵及與之竟不遵路至九日夕有部曲

曹彥進告思綰欲于十一日夜與同惡五百人奔南山

入蜀是日詰旦再促上路云俟夜進途臣尋與王峻入

城分兵守四門其趙思綰部下軍各已執帶遂至牙署
令趙思綰至則執之與一行徒黨並處置訖甲子樞密
使郭威奏收復河中府逆賊李守貞自燔而死丙寅以
權涼州畱後折逋嘉施爲河西軍節度畱後交州奏捕
蝗三萬斛丁卯前洺州團練使武漢球卒戊辰永興
興軍節度使兼兵馬都部署郭從義加同平章事八月
郭從義殺前永興巡檢喬守溫丙戌郭威使來獻俘五
史徙華州節度使郭從義奏處斬前巡檢使喬守溫供
奉官王益時知化王繼勲等守溫受高祖命巡檢京兆
會王益自鳳翔押送趙思綰等赴闕行至京兆守溫迎
益于郊外思綰等突然作亂遂據其城及郭從義率兵
攻討令守溫部署役夫守溫有愛姬陷在賊城爲思綰
所錄及收城從義盡得思綰之婢僕守溫求其愛姬從
義雖與之意有所嫌遂發前罪密啟于郭威請除之與
王益等併誅焉兖州奏捕蝗四萬斛壬午西京畱臺侍
御史趙礪彈奏太子太保王延太子洗馬張季凝等自
去年五月後來每稱請假俱是不任拜起詔延等宜以
本官致仕甲申以陝州節度使充河中一行兵馬都部
署白文珂爲西京畱守加兼侍中潞州節度使充河中

一行副都署常思加檢校太師以右散騎常侍盧撰爲
戶部侍郎致仕辛卯右拾遺高守瓊上言任官年未三
十請不除授縣令詔起今後諸色選人年及七十者宜
注優散官年少未應資考者不得注擬縣令癸巳以翰
林學士工部尙書張沆爲禮部尙書沆卜葬先人以內
署無例乞假乃上章請解職以赴葬事遂落職以遣之
乙未宣徽南院使永興行營兵馬都監王峻宣徽北院
使河中行營兵馬都監吳虔裕並加檢校太傅九月乙
巳樞密使郭威檢校太師兼侍中宋州節度使兼侍衛
親軍指揮使郭威宏肇加兼中書令初郭威平河中回朝
廷議加恩威奏曰臣出兵以來輦轂之下無犬吠之憂
俾臣得專一其事軍旅所聚貨糧不乏此皆居中大臣
鎮撫謀畫之功也臣安敢獨擅其美乎帝然之于是宏
肇與宰相樞密使三司使次第加恩旣而諸大臣以恩
之所被皆朝廷親近之臣而宗室劉信及青州劉銖等
皆國家元勲必有不平之意且外慮諸侯以朝廷有私
于親近也于是議及四方侯伯普加恩焉丙午西京畱
守判官時彥澄推官姜蟾少尹崔淑並免所居官坐不
隨府罷職爲畱瑩侍御史趙礪所彈也已酉以右千牛
上將軍孫漢贊爲絳州刺史禮部尙書判吏部尙書銓

事王松停見任坐子仁寶爲李守貞從事也尋卒于其
第辛亥宰臣竇貞固加守司徒蘇逢吉加守司空蘇禹
珪加左僕射楊邠加右僕射依前兼樞密使太子太師
致仕皇甫立卒癸丑三司使王章加邑封乙卯鄴都高
行周加守太師襄州安審琦加守太傅兗州符彥卿加
守太保北京劉崇加兼中書令丁巳澶州李洪信移鎮
陝州以侍衛馬軍都指揮使遂州節度使李洪義爲澶
州節度使已未許州劉信加兼侍中開封尹侯益進封
魯國公鄆州慕容彥超青州劉錫並加兼侍中湖南馬
希廣奏于八月十八日大破朗州馬希萼之衆辛酉靈
州馮暉夏州李彝殷並加兼中書令右衛將軍石懿左
武衛將軍石訓並停任懿等以八月中秋享晉五廟命
倡婦宿于齋宮鴻臚寺刻之故有是賁癸亥鎮州武行
德鳳翔趙暉並加檢校太師鄴都磁相邢洺等州奏霖
雨害稼西京奏洛水溢岸乙丑晉州王晏同州張彥贇
邠州侯章涇州史懿滄州王景延州高允權並加檢校
太師冬十月契丹寇趙魏羣臣進添都馬契丹陷內邱已

丑郭威及宣徽南院使王峻伐契丹

五代史冬十月庚午朔契丹入寇是

日定州孫方簡徐州劉贊並加同平章事以利州節度
使宋延渥爲滑州節度使甲戌皇弟與元節度使勲加
檢校太師丙子相州郭謹貝州王繼宏邢州薛懷讓並
加檢校太尉庚辰安州楊信鄧州劉重進加檢校太師
河陽李暉加檢校太傅壬午兩浙錢宏叙加守尚書令
湖南馬希廣加守太尉癸未監脩國史蘇逢吉史官賈
緯以所撰高祖實錄二十卷上之丙戌荆南高保融加
檢校太師兼侍中以殿前都部署江州防禦使李建爲
遂州節度使充侍衛馬軍都指揮使以奉國左廂都指
揮使永州防禦使王殷爲夔州節度使充侍衛步軍都
指揮使契丹陷貝州高老鎮南至鄴都北境又西北至
南宮堂陽殺掠吏民數州之地大被其苦藩郡守將閉
關自固遣樞密使郭威率師巡邊仍令宣徽使王峻參
預軍事庚寅府州折從阮進封岐國公豐州郭勲進封
魏國公五代會要二年十一月契丹遯五代史十
月脩成實錄二十卷上之十一月契丹遯五代史十
鄭州雷後王饒加檢校太傅癸丑以吳越國王錢宏俶
母吳氏爲順德太夫人時議者曰封贈之制婦人有國
邑之號死乃有諡后妃公主亦然唐則天女主自我作
古乃生有則天之號常庶人有順聖之號知禮者非之

近代梁氏賜張宗爽妻號曰賢懿又改爲莊惠今之吳氏爲順德皆非古之道也乙卯以太府卿劉俾爲宗正卿十二月庚午朔湖南奏靜江軍節度使馬希瞻以今年十月十八日卒廢朝二日辛未日軍節度使馬希瞻以今門下侍郎平章事竇貞固奏請脩晉朝實錄詔史官賈緯竇儼王仲等脩撰以禮部尙書張沆復爲翰林學士壬午皇第二十一姊永寧公主進封秦國長公主潁州奏破淮賊于安陽五代會要漢乾祐二年十二月勅故荆南節度使南平王高從誨宜令太常定諡故事臣下請諡故吏陳行狀上考功覆奏下乃議諡今降勅新例也又二年十二月勅宜令監脩國史蘇逢吉與史館賈緯并竇儼王仲等脩晉朝實錄呈進從宰臣竇正固奏請也五代春秋己酉二年二月丙子黑霧四塞五月京兆降六月癸酉朔日有食之郭威克河中誅李守正十月契丹入寇十二

月趙暉克鳳翔誅王景崇

三年春正月西面行營都部署趙暉克鳳翔

原注景崇自焚死故

不書伏誅丙午郭威進添都馬壬子趙暉獻馘俘

五代史乾祐三年春

正月己亥朔帝不受朝賀鳳翔行營都部署趙暉奏前
月二十日收復鳳翔逆賊王景崇舉族自燔而死丁
未鳳翔節度使充西南行營都部署趙暉加兼侍中戊
申密州刺史王萬敢奏奉詔領兵入海州界至荻水鎮
俘掠焚蕩更請益兵詔前沂州刺史郭瓊率禁軍赴之
庚戌前永興軍節度副使安友規除名流登州沙門島
先是友規權知永興軍府事及趙思綰之奔衝友規失
守城池至是乃正其罪焉癸丑以前邠州節度使宋彥
筠爲太子太師致仕丙辰分命使臣赴永興鳳翔河中
收葬用兵已來所在骸骨時已有僧聚燬骸二十萬矣
前沂州刺史郭瓊奏部署兵士深入海州賊界是月二
有狐登明德樓主者獲之狐毛長而腹下別有二足二
月甲戌旌表潁州汝陰民翹溫門閭五代史二月辛巳
兵士自海州迴至當道甲申樞密使郭威巡邊迴丁亥
汝州防禦使劉審交卒乙未以前安州節度使劉遂凝
爲左武衛上將軍以鄆州節度使焦繼勳爲左衛上
將軍以前永興軍節度使趙贊爲左驍衛上將軍三
月己酉寒食望祭于南御園五代史三月己亥徐州部
送所獲淮南都將李暉等

三十三人徇于市給衫帽放還本土是月鄴都留守高
行周充州符彥卿鄆州慕容彦超西京留守白文珂鎮
州武行德安州楊信潞州常思府州折從阮皆自鎮來
鄴都高行周移鎮鄆州交州符彥卿移鎮青州並加邑
封甲子西京留守白文珂潞州常思鎮州武行德並進
邑封鄆州慕容彦超移鎮交州五代會要漢乾祐三
年三月寒食隱帝奉皇后幸南御園家祭樞密使三司
使從之人君奉先之道無寒食拜祭近代莊夏四月壬
宗每年寒食出祭謂之破散故襲而行之

午郭威以樞密使爲天雄軍節度使

五代史夏四月戊辰朔邢州薛懷讓

移鎮同州相州郭謹河陽李暉並進邑封庚午府州折
從阮移鎮鄆州辛未故深州刺史史萬山贈太傅先是
契丹入邊萬山城守郭威遣索萬進率騎七百屯深州
一日契丹數十騎迫州東門萬山父子率兵百餘人襲
之僞退十餘里而伏兵發萬山血戰急請救于萬進萬
進勒兵不出萬山死之契丹亦解去時論以萬進爲罪
故加萬山贈典焉壬申華州劉詞移鎮邢州安州楊信
移鎮鄆州貝州王令溫移鎮安州並加邑封以鄆州畱

後王儼爲華州節度使以其來朝故也丁丑尙食奉御
王紹隱除名流沙門島坐匿軍營女口也辛巳以宣徽
北院使吳虔裕爲鄭州防禦使時樞密使楊邠上章乞
解樞機帝命中使諭之曰樞機之職捨卿用誰忽有此
章莫有人離間否虔裕在傍颺言曰樞密重地難以久
處俾後來者迭居相公辭讓是也中使還其奏帝不悅
故有是命壬午以樞密使郭威鄴都留守依前樞密使
詔河北諸州應兵甲錢帛糧草一粟郭威處分癸未府
州永安軍額宜停命降爲團練州戊子翰林學士承旨
戶部尙書王仁裕罷職守兵部尙書左千牛上將軍張
瓘卒庚寅以西南面水陸轉運使尙書工部侍郎李穀
爲陳州刺史左金吾上將軍致仕馬萬卒甲午以前華
州節度使安審信爲左衛上將軍以爲朔帝御崇元殿受朝丙
午以皇弟興元節度使勲爲開封尹加兼中書令未出
閣甲子詔諸道州府差置散從官大府五百人上州三
百人下州二百人勒本處團集管係立節級檢校教習
以警備州城閏月癸巳京師大風雨壞營舍吹鄭門扉
起十數步而墮拔大木數十震死者六七人水平地尺
餘池隍皆溢是月宮中有怪物投瓦石擊窗撼扉人不

能制 五代會要五月勅諸道州府宜差散從官大府
五百人 下州二百人宜量戶口多少差團集本處管係
立節級點檢教 六月癸卯河決原武 五代史六月庚子
習警備州城 爲尙書右丞癸卯太僕卿致仕謝攀輟視朝一日鄭
州奏河決原武縣界乙卯司天堦上言鎮星逆行至大
微左掖門外自戊申年八月十二日入太微西垣犯上
將屏星執法勾已往來至己酉年十一月十二日夜方
出左掖門順行自今年正月十秋五代史秋七月庚午
日夜復逆行入東垣至左掖門 秋五代史秋七月庚午
尺乙亥滄州奏積雨約一丈二尺安州奏溝河泛溢州
城內水深七尺丙子帝御崇元殿授皇太后冊命宰臣
蘇逢吉行禮辛巳三司使奏州縣令錄佐官請據戶籍
多少量定俸戶縣三千戶已上令月十千主簿入千二
千戶已上令月八千主簿五千二千戶已下令月六千
主簿四千每戶月出錢五百並以管內中等戶充錄事
參軍判司俸錢視州界令佐取其多者給之其俸戶與
免縣司差役從之 五代會要漢乾祐三年七月十六
日勅節文諸道州府令錄判官主簿宜令等第支與俸
戶逐戶每月納錢五百與除二稅外免放諸襍差遣不

得更種職田所定俸戶於中等無色役人戶內置不得
差令當直及赴衙參如有闕額及不逮明申州府差填
不得衷私替換若是令錄判司主簿除本分人數外剩
占俸戶及令當直手力更納料錢並許百姓陳告其陳
告人與免戶下諸裸差徭所犯人追毀告身更加力役
如令佐錄事參軍內有員闕州府差攝亦依例支與俸
錢差攝曹官不得一例供破定例如後三千戶已上縣
令逐月一十二千主簿六千二千戶已下縣令六千主簿
下縣令九千主簿五千一千戶已下縣令六千主簿
千錄事參軍判司依本部內戶口取最多縣分例支破
其錄事參軍依縣令八月達鞞來附五代史八月辛亥
例判司依主簿例八月達鞞來附五代史八月辛亥
靈感王從湖南請也時海賊攻州城州人禱于神城得
不陷故有是請辛酉給事中陶穀上言請停五日內殿
轉對從之王戊以兵部侍郎于德辰為御史中丞邊蔚
為兵部侍郎九月辛巳朗州節度使馬希萼奏請于京
師別置邸院不允是時希萼與其弟湖南節度使希廣
方構閱牆之怨故有是請帝以湖南已有邸務不可更
置由是不允仍命降詔和解焉五代會要漢乾祐三
年八月封蒙州城隍神為靈感王從湖南節度使馬希

範奏也又漢乾祐三年八月給事中陶穀奏乞停內殿
五日轉對朝臣中或有所見許非時詣闕門拜章論奏
從冬五代史冬十月己亥帝狩于近郊丙午湖南馬希
之廣遣使上章且言荆南淮南廣南三道結構欲分
割湖湘乞聊發兵師以爲援助時朝廷方議起軍會內
難不果行丁未兩浙錢宏俶加諸道兵馬元帥戊申彰
德軍節度使郭謹卒癸丑以前同州節度使
張彥贊爲相州節度使辛酉月犯心大星十一月丙
子殺楊邠及侍衛親軍都指揮使史宏肇三司使王章
皆滅其族郭威反庚辰義成軍節度使宋延渥叛附于
威東都事畧宋渥河南洛陽人也祖瑤唐天德軍節度使父延浩尚後唐莊宗女義寧公主生渥仕至房州刺史晉初爲汜水關使張從賓之叛戰死之渥年十一
承訓至洛與渥結婚卽承寧公主也稍遷皇城使漢乾
祐初拜右金吾衛大將軍駙馬都尉隱帝卽位授昭化
軍節度使移鎮滑州周太祖舉兵向闕渥在鎮開門迎
謁卽率兵從太祖至畱子陂隱帝衛兵悉走投太祖太

祖謂渥日至尊危矣公近親可至去擁衛無令驚動渥策馬及御營軍已亂矣世宗征淮以渥爲右神武統軍充行營右廂都排陣使大破其衆世宗多露宿野次忽有猛虎逼近乘輿渥引兵射之一發而斃江北平師還

復授滑州節度使又移鎮鄧州

宋渥後唐

明宗之外孫漢太祖之駙馬歷累鎮節度使檢校太師同中書門下平章事有女十五人開寶皇后最居長王

韓樞密崇訓寇萊公王武恭公皆其壻也多享國封王

午威犯封邱泰寧軍節度使慕容彥超軍于七里店癸未勞軍于北郊甲申勞軍于劉子陂慕容彥超及郭威

戰敗績開封尹侯益叛降于威郭允明反乙酉皇帝崩

原注年二十周廣順元年葬之許州蘇逢吉自殺漢亡

陽翟縣號穎陵爲賊所葬故不書

蘇逢吉自殺漢亡

原注自隱帝崩後四十二日周太祖始卽位而斷自帝崩書漢亡者見帝崩而漢已亡矣其太后臨朝湘陰公嗣立皆周所假託非誠實所以破其姦故書曰漢亡見周之立遲也遲而難于自立則猶有自媿之心焉五

代史十一月甲子朔日有食之乙丑永州唐將軍祠贈
太保從湖南請也已巳日南至帝御崇元殿受朝賀仗
衛如式辛未詔侍衛步軍都指揮使王殷將兵屯澶州
丙子誅樞密使楊邠侍衛都指揮使史宏肇三司使王
章夷其族是日平旦甲士數十人由廣政殿出至東廡
下害邠等于閣內皆死于亂刃之下又誅宏肇弟小底
軍都虞侯宏朗如京使甄彥奇內常侍辛從審楊邠子
比部員外郎廷侃右衛將軍廷偉左贊善大夫廷倚王
章姪右領衛將軍晏子壻戶部員外郎張貽肅樞密院
副承宣郭顥控鶴都虞侯高進侍衛都承局荆南金三
司都勾官柴訓等分兵收捕邠等家屬及部曲僉從盡
戮之少頃樞密承旨聶文進急召宰臣百寮班于崇元
殿庭宣曰楊邠史宏肇王章等同謀叛逆欲危宗社並
斬之與卿等同慶班退召諸軍將校至萬歲殿帝親諭
史宏肇等欲謀逆亂之狀且言宏肇等欺朕年幼專權
擅命使汝輩常懷憂恐自此朕自與汝等為主必無橫
憂也諸軍將校拜謝而退召前任節度使刺史統軍等
上殿諭之帝遣軍士守捉宮城諸門比近日盱朝臣步
出宮門而去是日晴霽無雲而昏霧濛濛有如微雨人
情揣恐日將午載楊邠等十餘尸分暴于南北市是日

帝遣腹心賁密詔往澶州郭都令鄴節度使李洪義
誅侍衛步軍都指揮使王殷令鄴都屯駐護聖左廂都
指揮使郭崇奉國左廂都指揮使曹英害樞密使郭威
及宣徽使王峻急詔鄆州高行周青州符彥卿永興郭
從義兖州慕容彥超同州薛懷讓鄆州吳虔裕陳州李
穀等赴闕以宰臣蘇逢吉權知樞密院事前青州劉銖
權知開封府事侍衛馬軍都指揮使李洪建判侍衛司
事內客省使閻晉卿權侍衛馬軍都指揮使丁丑澶州
節度使李洪義受得密詔知事不克乃引使人見王殷
殷與洪義遣本州副使陳光穗賁所受密詔馳至鄆都
郭威得之即召王峻郭崇曹英及諸軍將校至牙署視
詔兼告楊史諸公冤枉之狀且曰汝等當奉行詔旨斷
予首以報天子自取功名郭崇等與諸將校前曰此事
必非聖意即李業等竊發假如此輩便握權柄固得
安乎事可陳論何須自乘致千載之下被此惡名崇等
願從公入朝面自洗雪于是將校等請威入朝以除君
側之惡共安天下翼日郭威以衆南行戊寅鄆兵至澶
州庚辰至滑州節度使宋延渥開門迎降是日詔前開
封尹侯益前鄆州節度使張彥超權侍衛馬軍都指揮
使閻晉卿鄆州防禦使吳虔裕等率禁軍赴澶州守捉

辛巳帝之小豎驚脫自北迴先是帝遣驚脫偵鄴軍所
至爲游騎所獲郭威卽遣迴因令附奏赴闕之意仍以
密奏置驚脫衣領中帝覽奏卽召李業示之聶文進郭
允明在傍懼形于色初議車駕幸澶州及聞鄴兵已至
河上乃止帝大懼私謂宰臣竇貞固等曰昨來之事太
草草耳李業等請帝領府庫以給諸軍宰相蘇禹珪以
爲未可業拜禹珪于帝前曰相公且爲官家莫惜府庫
遂下令侍衛軍人給二十緡下軍各給十緡其北來將
士亦準此仍遣北來將士在營子弟各資家問向北論
之壬午鄴軍至封邱慕容彥超自鎮馳至帝遂以軍旅
之事委之彥超謂帝曰陛下勿憂臣當生致其魁首彥
超退見聶文進詢北來兵數及將校名氏文進告之彥
超懼曰大是剽賊不宜輕耳又遣袁義劉重進王知則
等出師以繼前軍慕容容彥超以大軍駐于七里郊掘塹
以自衛都下率坊市出酒食以餉軍突未車駕勞軍卽
日還宮翼日慕容彥超揚言曰官家宮中無事明日再
出觀臣破賊甲申車駕復出幸七里店軍營王師陣于
劉子陂與鄴軍相望太后以帝至晚在外遣中使謂聶
文進曰賊軍在近大須用意文進曰有臣在不必失策
縱有一百箇郭威亦當生擒之耳彥超輕脫先擊北軍

郭威命何福進王彥超李筠等大合騎以乘之彥超退却死者百餘人于是諸軍奪氣稍稍奔于北軍吳虔裕張彥超等相繼而去慕容彥超以部下數騎奔兖州是夜帝與宰相臣從官宿于野次侯益焦繼勳潛奔鄆軍乙酉旦帝策馬至元化門劉鈺在門上問帝左右兵馬何在乃射左右帝迴與蘇逢吉郭允明詣西北村舍郭允明知事不濟乃刺刃于帝而崩時年二十蘇逢吉郭允明皆自殺是日周太祖自迎春門入諸軍大掠煙火四發翼日至脯方定前滑州節度使白再筠爲亂兵所害吏部侍郎張允墜屋而死周太祖旣入京城命有司遷帝梓宮於太平宮或曰可依魏高貴鄉公故事以公禮葬之周祖曰予顛沛之中不能護衛至尊以至于此若又貶降人謂我何于是詔擇日舉哀命前宗正卿劉暉主喪丙戌太后誥曰高祖皇帝翦亂除克變家爲國救生靈于塗炭創王業于艱難甫定寰區遽遺弓劍樞密使郭威楊邠侍衛使史宏肇三司使王章親承顧命輔立少君協力同心安邦定國旋屬四方多事三叛連衡吳蜀內侵契丹啟釁烝黎恟懼宗社貽危郭威授任專征提戈進討躬當矢石盡掃烟塵外寇盪平中原寧謐復以強敵未殄邊塞多艱允賴寶臣往臨大鄴疆場

有藩籬之固朝廷寬宥時之憂不謂兇豎連謀羣小得志密戴鋒刃竊發殿庭已殺害其忠良方奏聞于少主無辜受戮有口稱冤而又潛差使臣矯宣命謀害樞密使郭威宣徽使王峻侍衛步軍都指揮使王殷等人知無罪天不助奸今者郭威王峻澶州節度使李洪義前曹州防禦使何福進前復州防禦使王彥超前博州刺史李筠北面行營馬步都指揮使郭崇步軍都指揮使曹英護聖都指揮使白重贊索萬進田景威樊愛能李萬全史彥超奉國都指揮使張鐸王暉胡立弩手指揮使何贊等經領兵師來安社稷逆黨皇城使李業內客省使閻晉卿樞密都承旨薛文進飛龍使後贊翰林茶酒使郭允明等脅君于大內出戰于近郊及至力窮遂行弑逆冤憤之極今古未聞今則兇黨既除羣情共悅神器不可以無主萬幾不可以久曠宜擇賢君以安天下河東節度使崇許州節度使信皆高祖之弟徐州節度使贊開封尹承勳高祖之男俱列屬維皆居屏翰宜令文武百辟議擇嗣君以承大統云樞密使郭威以蕭牆變起宗祏無奉率羣臣侯太后請定所立且言開封尹承勳高祖皇帝之愛子也請立為嗣太后告以承勳羸病日久不能自舉周太祖與諸將請視承勳起居

及視之方信遂議立高祖從子徐州節度使贊爲嗣乙
正太后誥曰天未悔禍喪亂孔多嗣主幼冲羣兇蔽惑
構奸謀于造次縱毒蠱于斯須將相大臣連頸受戮股
肱良佐無罪見屠行路咨嗟羣心扼腕則高祖之洪烈
將墜于地賴大臣郭威等激揚忠義拯濟顛危除惡蔓
以無遺俾綴旒之不絕宗祧事重續繼才難旣聞將相
之謀復考著龜之兆天人協贊社稷是依徐州節度使
贊稟上聖之資抱中和之德先皇如子鍾愛特深固可
以育子兆民君臨萬國宜令所司擇日備法駕奉迎卽
皇帝位於戲神器至重天步方艱致理保邦不可以不
敬貽謀聽政不可以不勤允執厥中祗膺景命是日遣
前太師馮道等往徐奉迎周太祖以嗣君未至萬幾不
可暫曠率羣臣請太后臨朝誥答曰昨以奸邪構釁亂
我邦家勲德効忠剪除兇慝俯從人欲已立嗣君宗社
危而再安紀綱壞而復振皇帝法駕未至庶事方殷百
辟上言請予蒞政宜允與議權總萬幾止于浹旬卽復
明辟云按前代故事太上皇稱誥太皇太后皇太后曰
令今云誥有司誤也以宣徽南院使陳州刺史李穀權判三
神武統軍袁義爲宣徽南院使使陳州刺史李穀權判三
司步軍都指揮使王殷爲侍衛親軍馬步都指揮使護

聖左廂都指揮使郭崇爲侍衛馬軍都指揮使郭奉國左
廂都指揮使曹英爲侍衛步軍都指揮使鎮州邢州馳
奏契丹寇洛州陷內邱縣時契丹攻之五日不下敵傷
兩道入邊內邱城小而固契丹攻之五日不下敵傷
者甚衆時有官軍五百在城防戍攻之急官軍降于敵屠
其城而去庚寅樞密使郭威奏左軍巡勘得飛龍使後
贊欵伏與蘇逢吉李業閻晉卿聶文進郭允明等同謀
令散員都虞侯奔德等下手殺害史宏肇等權開封尹
劉銖具伏朋附李業爲亂屠害將相家屬其劉銖等準
誥旨處置訖并蘇逢吉郭允明閻晉卿聶文進首級並
梟于南北市其骨肉放棄辛卯河北諸州馳報契丹深
入太后誥曰王室多故邊境未寧內難雖平外寇仍熾
據北面奏報強敵奔衝繼發兵師未聞平殄須勞上將
暫自臨戎宜令樞密使郭威部署大軍早謀掩擊其軍
國庶事權委宰臣竇貞固蘇禹珪樞密使王峻等商量
施行在京馬步兵士委王殷都大提舉十二月甲午朔
郭威領大軍北征丁酉以翰林學士尙書戶部侍郎知
制誥范質爲樞密副使陝州李洪信奏馬步都指揮使
聶召奉國指揮使楊德護聖指揮使康審澄等與節度
使判官路濤掌書記張洞都押衙楊紹勅等同情謀叛

並殺之惟康審澄夜中放火斬關奔歸京師初朝議以
諸道方鎮皆是勲臣不諳政理其都押衙孔目官令三
司軍將內選才補之藩帥不悅故洪信因朝廷多故誣
奏加害焉壬寅湖南上言朗州馬希萼引五谿蠻及淮
南洪州軍來攻當道望量差兵士于淮境牽引乙巳遣
前淄州刺史陳思讓領軍入淮南界以便宜進取辛亥
遣宰相蘇禹珪及朝臣十員往宋州迎奉嗣君王子樞
密使郭威次澶州何福進已下及諸軍將士扶擁威請
爲天子卽日南還威上章于太后言爲諸軍所迫班師
庚申威至北郊駐軍于臯門村許州巡檢前申州刺史
馬鐸奏節度使劉信自殺王戊奉太后詔命樞密使侍
中郭威監國中外庶事並取監國處分先是樞密使王
峻以湘陰公己在宋州慮聞澶州之事左右變生遣侍
衛馬軍指揮使郭崇率七百騎往衛之己未太后詔曰
比者樞密使郭威志安社稷議立長君以徐州節度使
贊高祖近親立爲漢嗣爰自藩鎮徵赴京師雖詔命尋
行而軍情不附天道在北人心靡東適當改卜之初俾
膺分土之命贊可降授開府儀同三司檢校太師上柱
國封湘陰公食邑三千戶食實封五百戶明年正月丁
卯太后詔奉符寶于監國可卽皇帝位周太祖踐阼奉

太后爲母遷于西宮上尊號曰昭聖太后是月十五日
周太祖與百寮詣帝殯宮成服親奠不視朝七日又詔
太常定諡曰隱以其年八月二日復遣前宗正卿劉皞
護靈輜備儀仗葬于許州陽翟縣之潁陵耐神主于高
祖之寢宮帝姿貌白皙眉目疎朗未卽位時目多閃掣
唾洩不止卽位之始遠無此態及內難將作復如故帝
自關西平定之後稍生驕易然畏憚大臣未至縱恣嘗
因乾象差忒宮中或有怪異召司天監趙延乂訊其休
咎延乂對以脩德卽無患旣退遣中使就問延乂曰何
者爲德延乂勸讀貞觀政要邇後與聶文進郭允明後
贊狎習信其邪說以致于敗高祖之征鄴城也一旦帝
語太祖曰我夜來夢爾爲驢負我升天旣捨爾俄變爲
龍捨我南去是何祥也周太祖撫掌而笑冥符臍蠻豈
偶然哉五代會要乾祐三年十一月二十一日爲左
右郭允明弒於京北之趙村年二十周廣順元年五月
追諡曰隱帝其年八月十二日葬潁陵在許州陽翟縣
年號一乾祐盡三年宰相五人竇貞固蘇逢吉蘇禹珪
李濤楊邠使相三十三人高從誨馬希廣錢宏俦錢宏
俶高保融高行周李守貞符彥卿馮暉安審琦侯益李
從敏劉崇劉銖白文珂史宏肇劉信慕容彦超李穀殷

常思王景武行德侯章王晏張彥威王章趙暉高允權
郭從義劉贊史匡懿王守恩孫方諫冊府元龜隱帝
始高祖鎮太原周太祖握蕃漢兵要常侍帳中參決戎
政時令少帝監符璽頗相戲狎暨從征鄴城旦夕同侍
一日詰旦語太祖曰我夜來夢爾爲驢負我昇天旣舍
爾乘俄變爲龍捨我南去何祥也笑而言曰公爲驢作
少意智勿空見玩撫掌而罷爲左衛大將軍高祖欲改
年號中書進擬乾和二字高祖改爲乾祐與帝名相符
帝微有風痰每連唾不止目多閃掣卽位之始遽無恙
五代春秋庚戌三年二月初舉樂閏六月癸巳大風
拔木十一月甲子朔日有食之丙子誅楊邠史宏肇王
章鄴都郭威舉兵向京師澶州李宏義滑州宋延渥叛
附于郭威甲申慕容彥超帥師及郭威戰于劉子陂帝
視師敗績侯益焦繼勳叛乙酉帝崩于師郭威入京
師軍大掠乙丑皇太后令立子贊馮道往徐州迎贊誅
蘇逢吉劉銖契丹入寇十二月郭威帥師北討次澶州
還師壬戌入京師楚人馬希範弒其君希廣王峻弒湘
陰公子宋州文獻通考漢隱帝實錄十五卷陳氏曰
張昭等撰事已見前五代史補高祖嘗在晉祖麾下
晉祖旣起太原以高祖遂有天下先是豫章有僧號上

藍者精於術數自唐末著識云石榴花發石榴開議者以石榴則晉漢之謂也再言石榴者明享祚俱不過二世矣

嗚呼人君卽位稱元年常事爾古不以爲重也孔子未脩春秋其前固已如此雖暴君昏主妄庸之史其記事先後遠近莫不以歲月一二數之乃理之自然也其謂

一爲元亦未嘗有法蓋古人之語爾原注古謂歲之一月亦不云一而曰

正月國語言六呂曰元間大呂周易列六爻曰初及後九大抵古人言數多不云一不獨謂年爲元也

世曲學之士始謂孔子書元年爲春秋大法遂以改元爲重事自漢以後又名年以建元而正僞紛雜稱號遂多不勝其紀也五代亂世也其事無法而不合於理者

多矣皆不足道也至其年號乖錯以惑後世則不可以

不明初梁太祖以乾化二年遇弒明年末帝已誅友珪

黜其鳳厯之號復稱乾化三年尙爲有說

玉海律厯梁末帝黜鳳厯

諉曰繼故

至漢高祖建國黜晉出帝開運四年復稱天福十

二年者何哉蓋以其愛憎之私爾方出帝時漢高祖居

太原常憤憤下視晉而晉亦陽優禮之幸而未見其隙

及契丹滅晉漢未嘗有赴難之意出帝已北遷方陽以

兵聲言追之至土門而還及其卽位改元而黜開運之

號則其用心可知矣

玉海律厯漢高祖黜開運最爲無謂

蓋其於出帝無

復君臣之義而幸禍以爲利者其素志也

歐陽脩正統論且劉知遠

晉之大臣也方晉有契丹之亂也竭其力以救難力所
不勝而不能存晉出於無可奈何則可以少異乎四國
矣漢獨不然自契丹與晉戰者三年矣漢獨高拱而視
之如齊人之視越人也卒幸其敗亡而取之及契丹之
北也以中國委之許王從益而去從益之勢雖不能存
晉然使忠於晉者得而奉之可以冀於有爲也漢乃殺
之而後入以是而較其心迹其異於四國者幾何可勝
矧皆未嘗合天下於一也其於正統絕之何疑
歎哉夫所謂有諸中必形於外者其見於是乎五代史
隱帝以尙幼之年嗣新造之業受命之主德非禹湯輔
政之臣復非伊呂將欲保延洪之運守不拔之基固不
可得也然西摧三叛雖僅滅于機槍而內稔羣兇俄自
取于狼狽自古覆宗絕祀之速者未有如帝之甚也意
蓋人謀之弗滅非天命之遽奪也稽古錄臣光曰高
祖擁精銳之兵居形便之地屬虜騎北旋中州乏主故
雍容南下而天下歸之豈其才德之首出哉乃會其時
之可爲也夫根疎者不固基薄者易危隱帝雖有南面
之名而政非已出民不知君輕信羣小之謀欲除跋扈
之臣禍不旋踵自然之勢也父子相繼四年而滅自古

享國之短未有若茲者也 太平治迹統類太宗謂近
臣曰朕觀五代以來帝王始則儉勤終乃忘其艱難恣
爲逸豫不恤士衆妄生猜忌覆亡之
速皆自貽也在人上者當以爲戒

五代史記卷第十下